

本事經卷第一

孝一

唐三藏法師玄奘奉 詔譯

一法品第一之一

吾從世尊聞如是語孝一芻當知我觀世間無
別一法覆障孝一群生馳騁流轉生死長途如無
明蓋所以者何世間群生由無明蓋所覆障
故馳騁流轉生死長途是故汝等應如是學
我當云何修起慧明破無明蓋出貪愛網汝
等孝一芻應如是學爾時世尊重攝此義而說
頌曰

無別有一法 覆障諸群生 馳流生死途
如無明蓋者 無明大愚闇 由斯久流轉
彼此有往來 昇沈高下趣 若破無明蓋
解脫貪愛網 不處生死流 以無彼因故
吾從世尊聞如是語芻當知我觀世間無
別一法繫縛群生馳騁流轉生死長途如貪
愛結所以者何世間群生由貪愛結所繫縛
故馳騁流轉生死長途是故汝等應如是學
我當云何修瑩慧刀斷貪愛結破大闇聚汝
等芻應如是學爾時世尊重攝此義而說

頌曰

無別有一法 繫縛諸群生 馳流生死途
如貪愛結者 貪愛大繫縛 由斯久流轉
彼此有往來 昇沈高下趣 若斷貪愛縛
破大黑闇聚 不處生死流 以無彼因故

吾從世尊聞如是語 苾芻當知 若一有情於
一劫中流轉生死所受身骨 假使有能積聚
不爛其聚高廣如王舍城毗補羅山 沉彼有
情無初後際 馳騁流轉生死長途所受身骨
而可測量 所以者何 苾芻當知 我說有情於

四聖諦不了知 故不照見 故不現觀 故不通
達 故不審察 故馳騁流轉生死長途 受諸骨
身是故 汝等應如是學 我當云何於四聖諦
了知 照見 現觀 通達 審察 究竟 汝等苾芻 應
如是學 爾時世尊重攝此義而說頌曰

孝一

二

一有情一劫 受身骨不爛 其聚量高廣
如毗補羅山 沉無初後際 久流轉生死
所受諸骨身 其量而可測 受是大苦聚
由不見聖諦 故應修妙智 正觀四真實
所謂苦聖諦 苦因及苦滅 能滅苦苦因

八支真聖道

此補特伽羅

極七有流轉

定斷一切結

能盡諸苦邊

吾從世尊聞如是語苾芻當知我以佛眼遍
觀世間諸有業果皆緣心意一類有情心意
所使行如是行履如是道身壞命終如捨重
擔墮諸惡趣生地獄中所以者何彼諸有情
心意染汙由此爲因身壞命終墮諸惡趣生
地獄中爾時世尊重攝此義而說頌曰
一類諸有情 心意起染汙 我今當爲汝
記別其所生 彼身壞命終 如捨於重擔

必墮諸惡趣

生於地獄中

應知惡慧者

由心意染汙

因斯染汙故

當生地獄中

吾從世尊聞如是語苾芻當知我以佛眼遍
觀世間諸有業果皆緣心意一類有情心意
所使行如是行履如是道身壞命終如捐重
擔昇諸善趣生於天中所以者何彼諸有情
心意清淨由此爲因身壞命終昇諸善趣生
天界中爾時世尊重攝此義而說頌曰
一類諸有情 心意起清淨 我今當爲汝
記別其所生 彼身壞命終 如捐於重擔

必昇諸善趣 生於天界中 應知善慧者
由心意清淨 因斯清淨故 當生天界中
吾從世尊聞如是語 苾芻當知一切有情皆
由自業業爲伴侶 業爲生門 業爲眷屬 業爲
依趣 業能分定一切有情下中上品是故 汝
等應當善知諸業自性 諸業因緣 諸業品類
諸業異熟 諸業盡滅趣 業滅道因緣 資具 苾
芻汝等如我所說 應正了知云何應知諸業
自性 業自性者 謂或思業或思業已如是應
知諸業自性 既正了知業自性已 云何應知

諸業因緣 業因緣者 謂諸貪愛如是應知 諸
業因緣 既正了知諸業因緣 既正了知諸業
自性 業因緣已 云何應知諸業品類 業品類
者 謂別品類業趣地獄身別品類業趣傍生
身別品類業趣鬼界身別品類業趣阿素洛
界身別品類業趣人界身別品類業趣天界
身如是應知諸業品類 既正了知諸業自性
諸業因緣 業品類已 云何應知諸業異熟者
謂於此生造作諸業 即此生中能感諸有或
受未受如是應知諸業異熟 既正了知諸業

自性諸業因緣諸業品類業異熟已云何應
知諸業盡滅業盡滅者謂愛滅故諸業盡滅
如是應知諸業盡滅既正了知諸業自性諸
業因緣諸業品類諸業異熟業盡滅已云何
應知趣業滅道因緣資具趣業滅道因緣資
具者謂八支聖道即是正見正思惟正語正
業正命正精進正念正定如是應知趣業滅
道因緣資具必芻當知諸有沙門或婆羅門
若能正知諸業自性諸業因緣諸業品類諸
業異熟諸業盡滅趣業滅道因緣資具即能

信我法毗柰耶若能信我法毗柰耶即能入
我法毗柰耶若能入我法毗柰耶即能達我
法毗柰耶修行梵行若能達我法毗柰耶修
行梵行即能究竟正盡諸業所以者何是諸
沙門或婆羅門既正了知諸業自性諸業因
緣諸業品類諸業異熟諸業盡滅趣業滅道
因緣資具已即於諸業能厭離滅究竟解脫
得善解脫既善解脫即能獨立既能獨立即
具善修既具善修彼身壞已法爾無有一切
施設爾時世尊重攝此義而說頌曰

世間諸有情	居前中後際	皆屬於自業
業爲其伴侶	業爲彼生門	業爲其眷屬
業爲所依趣	業能定三品	隨業彼彼生
不定如輪轉	或處天人中	或居四惡趣
世間諸有情	皆隨業力轉	非國財妻子
隨從往餘生	彼於命終時	所有皆頓捨
獨隨業而往	故皆由自業	當來諸有情
雖受如是業	若能依佛教	正信而出家
彼於愚癡類	無師開導中	名能善修行
不愚正法者	故汝等苾芻	精勤勿放逸

應善知諸業	相續正修行	爲盡業自性
及業因緣等	修八支聖道	速令得圓滿
吾從世尊聞如是語	苾芻當知世間所有惡	不善法於生起時
諸不善品	諸不善類	一切皆由意爲前導
所以者何	意生起已	惡不善法皆隨後生
爾時世尊重攝此義而說	頌曰	諸不善法生
爲因能感苦	皆意爲前導	與煩惱俱生
意爲前導法	意尊意所使	由意有染汙
故有說有行	苦隨此而生	如輪因手轉

吾從世尊聞如是語苾芻當知世間所有白淨善法於生起時善品善類一切皆由意爲前導所以者何意生起已白淨善法皆隨後生爾時世尊重攝此義而說頌曰

諸淨善法生 爲因能感樂 皆意爲前導

與善法俱生 意爲前導法 意尊意所使

由意有清淨 故有說有行 樂隨此而生

如影隨形轉

吾從世尊聞如是語苾芻當知世有一法於生起時與多衆生爲不利益爲不安樂引諸

世間天人大衆作無義利感大苦果云何一法是謂破僧所以者何苾芻當知僧若破壞一切大衆互興諍論迥相呵責迥相凌懣迥相罵辱迥相毀訾迥相怨嫌迥相惱觸迥相返戾迥相誹謗迥相棄捨當於爾時一切世間未敬信者轉不敬信已敬信者還不敬信苾芻當知如是名爲世有一法於生起時與多衆生爲不利益爲不安樂引諸世間天人大衆作無義利感大苦果爾時世尊重攝此義而說頌曰

世有一法生 能起無量惡 所謂僧破壞
愚癡者隨喜 能破壞僧苦 破壞衆亦苦
僧和合令壞 經劫無間苦

吾從世尊聞如是語 必芻當知世有一法於
生起時與多衆生爲大利益爲大安樂引諸
世間天人大衆作大義利感大樂果云何一
法是謂僧和所以者何 必芻當知僧若和合
一切大衆互無諍論不相呵責不相凌憊不
相罵辱不相毀訾不相怨嫌不相惱觸不相
返戾不相誹謗不相棄捨當於爾時一切世

間未敬信者便生敬信已敬信者轉增敬信
必芻當知如是名爲世有一法於生起時與
多衆生爲大利益爲大安樂引諸世間天人
大衆作大義利感大樂果爾時世尊重攝此
義而說頌曰

第一

世有一法生 能起無量福 所謂僧和合
慧利者隨喜 能和合僧樂 和合衆亦樂
僧破壞令和 經劫受天樂
吾從世尊聞如是語 必芻當知世間有情一
結斷時餘一切結皆亦隨斷云何一結是謂

七

我慢所以者何諸所有結細中麤品一切皆
以我慢為根從我慢生我慢所長是故我慢
一結斷時餘一切結皆亦隨斷譬如世間樓
觀中心普為樓觀衆分依止中心若墜餘亦
隨墮如是我慢諸結所依我慢若斷餘亦隨
滅若諸苾芻已斷我慢當知即是已斷餘結
若諸苾芻已斷餘結當知即是已盡苦邊已
修正智心善解脫慧善解脫無復後有爾時
世尊重攝此義而說頌曰
如樓觀中心 衆分所依止 中心若墜墮

餘分皆隨落 如是我慢結 衆結之所依
我慢結斷時 諸結皆隨滅 苾芻斷我慢
餘結悉隨斷 餘結既已斷 即得盡苦邊
既得盡苦邊 名已修正智 心慧善解脫
後有畢竟無

吾從世尊聞如是語苾芻當知世有一法若
善修習善多修習攝持二利令至圓滿謂現
法利令至圓滿及後法利令至圓滿能成現
法利益安樂能成後法利益安樂能成現後
利益安樂云何一法謂於所修諸善法中修

不放逸所以者何若於所修諸善法中於不放逸能善修習善多修習便能攝持二種義利令至圓滿廣說乃至能成現後利益安樂是名一法若善修習善多修習攝持二利廣說乃至能成現後利益安樂爾時世尊重攝

此義而說頌曰

孝一

八

諸有多聞人	能捨貪財位	勤修不放逸
證常樂涅槃	智人無放逸	能攝持二利
謂現法當來	俱令至圓滿	諸有善能成
現後俱利樂	前後眾賢聖	皆稱為智人

重攝前經喟陀南曰

蓋結劫兩心 業二意前行 僧破及僧和

斷慢修不逸

吾從世尊聞如是語苾芻當知若諸有情求斷一法我證彼定得不還果云何一法謂是捨貪所以者何一切有情由貪染故數數還來墮諸惡趣受生死苦若能永斷如是一法我證彼定得不還果不復還來生此世間是故我說若諸有情永斷一法我證彼定得不還果爾時世尊重攝此義而說頌曰

我觀諸有情 由貪之所染 還來墮惡趣
受生死輪迴 若能正了知 永斷此貪者
定得不還果 不來生此間
吾從世尊聞如是語 必芻當知 若諸有情永
斷一法 我證彼定得不還果 云何一法 謂是
於欲所以者何 一切有情由欲染故 數數還
來墮諸惡趣 受生死苦 若能永斷 如是一法
我證彼定得不還果 不復還來生此世間 是
故我說 若諸有情永斷一法 我證彼定得不
還果 爾時世尊重攝此義而說 頌曰

我觀諸有情 由欲之所染 還來墮惡趣
受生死輪迴 若能正了知 永斷此欲者
定得不還果 不來生世間
吾從世尊聞如是語 必芻當知 若諸有情永
斷一法 我證彼定得不還果 云何一法 謂是
於瞋所以者何 一切有情由瞋染故 數數還
來墮諸惡趣 受生死苦 若能永斷 如是一法
我證彼定得不還果 不復還來生此世間 是
故我說 若諸有情永斷一法 我證彼定得不
還果 爾時世尊重攝此義而說 頌曰

我觀諸有情 由瞋之所染 還來墮惡趣
受生死輪迴 若能正了知 永斷此瞋者
定得不還果 不來生此間

吾從世尊聞如是語 必芻當知 若諸有情求
斷一法 我證彼定得不還果 云何一法 謂是
於恚所以者 何一切有情由恚染 故數數還
來墮諸惡趣 受生死苦 若能永斷 如是一法
我證彼定得不還果 不復還來生此世間 是
故我說 若諸有情求斷一法 我證彼定得不
還果 爾時世尊重攝此義而說 頌曰

我觀諸有情 由恚之所染 還來墮惡趣
受生死輪迴 若能正了知 永斷此恚者
定得不還果 不來生此間

吾從世尊聞如是語 必芻當知 若諸有情求
斷一法 我證彼定得不還果 云何一法 謂是
於癡所以者 何一切有情由癡染 故數數還
來墮諸惡趣 受生死苦 若能永斷 如是一法
我證彼定得不還果 不復還來生此世間 是
故我說 若諸有情求斷一法 我證彼定得不
還果 爾時世尊重攝此義而說 頌曰

我觀諸有情 由癡之所染 還來墮惡趣
受生死輪迴 若能正了知 永斷此癡者
定得不還果 不來生此間

吾從世尊聞如是語必芻當知若諸有情永
斷一法我證彼定得不還果云何一法謂是
於覆所以者何一切有情由覆染故數數還
來墮諸惡趣受生死苦若能永斷如是一法
我證彼定得不還果不復還來生死世間是
故我說若諸有情永斷一法我證彼定得不
還果爾時世尊重攝此義而說頌曰

我觀諸有情 由覆之所染 還來墮惡趣
受生死輪迴 若能正了知 永斷此覆者
定得不還果 不來生此間

吾從世尊聞如是語必芻當知若諸有情永
斷一法我證彼定得不還果云何一法謂是
於惱所以者何一切有情由惱染故數數還
來墮諸惡趣受生死苦若能永斷如是一法
我證彼定得不還果不復還來生此世間是
故我說若諸有情永斷一法我證彼定得不
還果爾時世尊重攝此義而說頌曰

我觀諸有情 由惱之所染 還來墮惡趣
受生死輪迴 若能正了知 永斷此惱者
定得不還果 不來生此間
吾從世尊聞如是語 必芻當知 若諸有情求
斷一法 我證彼定得不還果 云何一法 謂是
於忿所以者 何一切有情 由忿染故 數數還
來墮諸惡趣 受生死苦 若能永斷 如是一法
我證彼定得不還果 不復還來生此世間 是
故我說 若諸有情 永斷一法 我證彼定得不
還果 爾時世尊重攝此義而說 頌曰

我觀諸有情 由忿之所染 還來墮惡趣
受生死輪迴 若能正了知 永斷此忿者
定得不還果 不來生此間
吾從世尊聞如是語 必芻當知 若諸有情求
斷一法 我證彼定得不還果 云何一法 謂是
於恨所以者 何一切有情 由恨染故 數數還
來墮諸惡趣 受生死苦 若能永斷 如是一法
我證彼定得不還果 不復還來生此世間 是
故我說 若諸有情 永斷一法 我證彼定得不
還果 爾時世尊重攝此義而說 頌曰

我觀諸有情 由恨之所染 還來墮惡趣
受生死輪迴 若能正了知 永斷此恨者
定得不還果 不來生此間

吾從世尊聞如是語必芻當知若諸有情永
斷一法我證彼定得不還果云何一法謂是

孝一

十二

於嫉所以者何一切有情由嫉染故數數還
來墮諸惡趣受生死苦若能永斷如是一法
我證彼定得不還果不復還來生此世間是
故我說若諸有情永斷一法我證彼定得不
還果爾時世尊重攝此義而說頌曰

我觀諸有情 由嫉之所染 還來墮惡趣
受生死輪迴 若能正了知 永斷此嫉者
定得不還果 不來生此間

吾從世尊聞如是語必芻當知若諸有情永
斷一法我證彼定得不還果云何一法謂是
於慳所以者何一切有情由慳染故數數還
來墮諸惡趣受生死苦若能永斷如是一法
我證彼定得不還果不復還來生此世間是
故我說若諸有情永斷一法我證彼定得不
還果爾時世尊重攝此義而說頌曰

我觀諸有情 由慳之所染 還來墮惡趣
受生死輪迴 若能正了知 永斷此慳者
定得不還果 不來生此間

吾從世尊聞如是語 必芻當知 若諸有情求
斷一法 我證彼定得不還果 云何一法 謂是

十一

十三

於嗜所以者 何一切有情 由嗜染故 數數還
來墮諸惡趣 受生死苦 若能永斷 如是一法
我證彼定得不還果 不復還來生此世間 是
故我說 若諸有情 永斷一法 我證彼定得不
還果 爾時世尊重攝此義而說 頌曰

我觀諸有情 由嗜之所染 還來墮惡趣
受生死輪迴 若能正了知 永斷此嗜者
定得不還果 不來生此間

吾從世尊聞如是語 必芻當知 若諸有情求
斷一法 我證彼定得不還果 云何一法 謂是
於慢所以者 何一切有情 由慢染故 數數還
來墮諸惡趣 受生死苦 若能永斷 如是一法
我證彼定得不還果 不復還來生此世間 是
故我說 若諸有情 永斷一法 我證彼定得不
還果 爾時世尊重攝此義而說 頌曰

我觀諸有情 由慢之所染 還來墮惡趣
受生死輪迴 若能正了知 永斷此慢者
定得不還果 不來生此間
吾從世尊聞如是語 必芻當知 若諸有情求
斷一法 我證彼定得不還果 云何一法 謂是
於害所以者 何一切有情 由害染故 數數還
來墮諸惡趣 受生死苦 若能永斷 如是一法
我證彼定得不還果 不復還來生此世間 是
故我說 若諸有情 永斷一法 我證彼定得不
還果 爾時世尊重攝此義而說 頌曰

我觀諸有情 由害之所染 還來墮惡趣
受生死輪迴 若能正了知 永斷此害者
定得不還果 不來生此間
重攝前經 喁柁南曰
貪欲瞋恚癡 覆藏及惱忿 怨恨嫉與慳
耽嗜慢將害
吾從世尊聞如是語 必芻當知 若諸有情求
念一法 我證彼定得不還果 云何為一法 謂
是念佛 所以者 何一切有情 由不念佛 故數
數還來墮諸惡趣 受生死苦 若能常念 如是

一法我證彼定得不還果不復還來生此世間是故我說若諸有情能念一法我證彼定得不還果爾時世尊重攝此義而說頌曰

我觀諸有情 由不念佛故 還來墮惡趣
受生死輪迴 若能正了知 永念於佛者

定得不還果 不來生此間

吾從世尊聞如是語苾芻當知若諸有情永念一法我證彼定得不還果云何爲一法謂是念法所以者何一切有情由不念法數數還來墮諸惡趣受生死苦若能常念如是一

法我證彼定得不還果不復還來生此世間是故我說若諸有情能念一法我證彼定得不還果爾時世尊重攝此義而說頌曰

我觀諸有情 由不念法故 還來墮惡趣
受生死輪迴 若能正了知 永念於法者

定得不還果 不來生此間

吾從世尊聞如是語苾芻當知若諸有情永念一法我證彼定得不還果云何爲一法謂是念聖衆所以者何一切有情由不念聖衆故數數還來墮諸惡趣受生死苦若能常念

如是一法我證彼定得不還果不復還來生
此世間是故我說若諸有情能念一法我證
彼定得不還果爾時世尊重攝此義而說頌
曰

我觀諸有情 由不念聖衆 還來墮惡趣
受生死輪迴 若能正了知 永念於聖衆
定得不還果 不來生此間

吾從世尊聞如是語苾芻當知若諸有情永
念一法我證彼定得不還果云何爲一法謂
是念戒所以者何一切有情由不念戒故數

數還來墮諸惡趣受生死苦若能常念如是
一法我證彼定得不還果不復還來生此世
間是故我說若諸有情能念一法我證彼定
得不還果爾時世尊重攝此義而說頌曰

我觀諸有情 由不念戒故 還來墮惡趣
受生死輪迴 若能正了知 永念於戒者
定得不還果 不來生此間

吾從世尊聞如是語苾芻當知若諸有情永
念一法我證彼定得不還果云何爲一法謂
是念施所以者何一切有情由不念施故數

數還來墮諸惡趣受生死苦若能常念如是一法我證彼定得不還果不復還來生此世間是故我說若諸有情能念一法我證彼定得不還果爾時世尊重攝此義而說頌曰

我觀諸有情 由不念施故 還來墮惡趣

受生死輪迴 若能正了知 求念於施者

定得不還果 不來生此間

吾從世尊聞如是語必芻當知若諸有情求念一法我證彼定得不還果云何爲一法謂是念天所以者何一切有情由不念天故數

數還來墮諸惡趣受生死苦若能常念如是一法我證彼定得不還果不復還來生此世間是故我說若諸有情能念一法我證彼定得不還果爾時世尊重攝此義而說頌曰

我觀諸有情 由不念天故 還來墮惡趣

受生死輪迴 若能正了知 求念於天者

定得不還果 不來生此間

吾從世尊聞如是語必芻當知若諸有情求念一法我證彼定得不還果云何爲一法謂是念休息所以者何一切有情由不念休息

故數數還來墮諸惡趣受生死苦若能常念
如是一法我證彼定得不還果不復還來生
此世間是故我說若諸有情能念一法我證
彼定得不還果爾時世尊重攝此義而說頌
曰

我觀諸有情

卷一

由不念休息

還來墮惡趣

十七

受生死輪迴

若能正了知

永念於休息

定得不還果

不來生此間

吾從世尊聞如是語必芻當知若諸有情求
念一法我證彼定得不還果云何爲一法謂

是念安般所以者何一切有情由不念安般
故數數還來墮諸惡趣受生死苦若能常念
如是一法我證彼定得不還果不復還來生
此世間是故我說若諸有情能念一法我證
彼定得不還果爾時世尊重攝此義而說頌
曰

我觀諸有情

由不念安般

還來墮惡趣

受生死輪迴

若能正了知

永念於安般

定得不還果

不來生此間

吾從世尊聞如是語必芻當知若諸有情求

念一法我證彼定得不還果云何爲一法謂
是念身所以者何一切有情由不念身故數
數還來墮諸惡趣受生死苦若能常念如是
一法我證彼定得不還果不復還來生此世
間是故我說若諸有情能念一法我證彼定
得不還果爾時世尊重攝此義而說頌曰
我觀諸有情 由不念身故 還來墮惡趣
受生死輪迴 若能正了知 永念於身者
定得不還果 不來生此間
吾從世尊聞如是語必芻當知若諸有情求

念一法我證彼定得不還果云何爲一法謂
是念死所以者何一切有情由不念死故數
數還來墮諸惡趣受生死苦若能常念如是
一法我證彼定得不還果不復還來生此世
間是故我說若諸有情能念一法我證彼定
得不還果爾時世尊重攝此義而說頌曰
我觀諸有情 由不念死故 還來墮惡趣
受生死輪迴 若能正了知 永念於死者
定得不還果 不來生此間
本事經卷第一

孝一

十八

本事經卷第二

孝二

唐三藏法師玄奘奉 詔譯

一法品第一之二

吾從世尊聞如是語苾芻當知若有於貪未
如實知未正徧知未能永斷彼於自心未離
貪故不能通達不能徧知不能等覺不能涅
槃不能證得無上安樂若有於貪已如實知
已正徧知已能永斷彼於自心已離貪故即
能通達即能徧知即能等覺即能涅槃即能
證得無上安樂是故於貪應如實知應正徧

知應求永斷於佛法中當修梵行爾時世尊
重攝上義而說頌曰

若於貪未知 彼去涅槃遠 於貪已知者
去涅槃不遙 我觀諸有情 由貪之所染
還來墮惡趣 受生死輪迴 若能正了知
永斷此貪者 得上沙門果 畢竟不受生
吾從世尊聞如是語苾芻當知若有於瞋未
如實知未正徧知未能永斷彼於自心未離
瞋故不能通達不能徧知不能等覺不能涅
槃不能證得無上安樂若有於瞋已如實知

已正徧知已能永斷彼於自心已離瞋故即
能通達即能徧知即能等覺即能涅槃即能
證得無上安樂是故於瞋應如實知應正徧
知應求永斷於佛法中當修梵行爾時世尊
重攝上義而說頌曰

若於瞋未知 彼去涅槃遠 於瞋已知者
去涅槃不遙 我觀諸有情 由瞋之所染
還來墮惡趣 受生死輪迴 若能正了知
永斷此瞋者 得上沙門果 畢竟不受生
吾從世尊聞如是語苾芻當知若有於癡未

如實知未正徧知未能永斷彼於自心未離
癡故不能通達不能徧知不能等覺不能涅
槃不能證得無上安樂若有於癡已如實知
已正徧知已能永斷彼於自心已離癡故即
能通達即能徧知即能等覺即能涅槃即能
證得無上安樂是故於癡應如實知應正徧
知應求永斷於佛法中當修梵行爾時世尊
重攝上義而說頌曰

若於癡未知 彼去涅槃遠 於癡已知者
去涅槃不遙 我觀諸有情 由癡之所染

還來墮惡趣 受生死輪迴 若能正了知
 永斷此癡者 得上沙門果 畢竟不受生
 吾從世尊聞如是語 苾芻當知 若有於覆未
 如實知 未正徧知 未能永斷 彼於自心 未離
 覆故 不能通達 不能徧知 不能等覺 不能涅槃
 不能證得 無上安樂 若有於覆 已如實知
 已正徧知 已能永斷 彼於自心 已離覆故 即
 能通達 即能徧知 即能等覺 即能涅槃 即能
 證得 無上安樂 是故於覆 應如實知 應正徧
 知 應求永斷 於佛法中 當修梵行 爾時世尊

重攝上義而說頌曰

若於覆未知 彼去涅槃遠 於覆已知者
 去涅槃不遙 我觀諸有情 由覆之所染
 還來墮惡趣 受生死輪迴 若能正了知
 永斷此覆者 得上沙門果 畢竟不受生
 吾從世尊聞如是語 苾芻當知 若有於惱未
 如實知 未正徧知 未能永斷 彼於自心 未離
 惱故 不能通達 不能徧知 不能等覺 不能涅槃
 不能證得 無上安樂 若有於惱 已如實知
 已正徧知 已能永斷 彼於自心 已離惱故 即

能通達即能徧知即能等覺即能涅槃即能
證得無上安樂是故於惱應如實知應正徧
知應求永斷於佛法中當修梵行爾時世尊
重攝上義而說頌曰

若於惱未知 彼去涅槃遠 於惱已知者
去涅槃不遙 我觀諸有情 由惱之所染
還來墮惡趣 受生死輪迴 若能正了知
永斷此惱者 得上沙門果 畢竟不受生
吾從世尊聞如是語必芻當知若有於忿未
如實知未正徧知未能永斷彼於自心未離

忿故不能通達不能徧知不能等覺不能涅
槃不能證得無上安樂若能於忿已如實知
已正徧知已能永斷彼於自心已離忿故即
能通達即能徧知即能等覺即能涅槃即能
證得無上安樂是故於忿應如實知應正徧
知應求永斷於佛法中當修梵行爾時世尊
重攝上義而說頌曰

若於忿未知 彼去涅槃遠 於忿已知者
去涅槃不遙 我觀諸有情 由忿之所染
還來墮惡趣 受生死輪迴 若能正了知

永斷此念者 得上沙門果 畢竟不受生
吾從世尊聞如是語必芻當知若有於恨未
如實知夫正徧知未能求斷彼於自心未離
恨故不能通達不能徧知不能等覺不能涅槃
不能證得無上安樂若有於恨已如實知
已正徧知已能求斷彼於自心已離恨故即
能通達即能徧知即能等覺即能涅槃即能
證得無上安樂是故於恨應如實知應正徧
知應求永斷於佛法中當修梵行爾時世尊
重攝上義而說頌曰

若於恨未知	彼去涅槃遠	於恨已知者
去涅槃不遙	我觀諸有情	由恨之所染
還來墮惡趣	受生死輪迴	若能正了知
永斷此恨者	得上沙門果	畢竟不受生
吾從世尊聞如是語必芻當知若有於嫉未	如實知未正徧知未能求斷彼於自心未離	嫉故不能通達不能徧知不能等覺不能涅槃
不能證得無上安樂若有於嫉已如實知	已正徧知已能求斷彼於自心已離嫉故即	能通達即能徧知即能等覺即能涅槃即能

證得無上安樂是故於嫉應如實知應正徧
知應求永斷於佛法中當修梵行爾時世尊
重攝上義而說頌曰

若於嫉未知 彼去涅槃遠 於嫉已知者
去涅槃不遙 我觀諸有情 由嫉之所染

孝二

還來墮惡趣 受生死輪迴 若能正了知

五

永斷此嫉者 得上沙門果 畢竟不受生
吾從世尊聞如是語必勿當知若有於慳未
如實知未正徧知未能永斷於彼自心未離
慳故不能通達不能徧知不能等覺不能涅槃

槃不能證得無上安樂若有於慳已如實知
已正徧知已能永斷彼於自心已離慳故即
能通達即能徧知即能等覺即能涅槃即能
證得無上安樂是故於慳應如實知應正徧
知應求永斷於佛法中當修梵行爾時世尊
重攝上義而說頌曰

若於慳未知 彼去涅槃遠 於慳已知者
去涅槃不遙 我觀諸有情 由慳之所染
還來墮惡趣 受生死輪迴 若能正了知
永斷此慳者 得上沙門果 畢竟不受生

吾從世尊聞如是語必芻當知若有於耽未
如實知未正徧知未能永斷彼於自心未離
耽故不能通達不能徧知不能等覺不能涅
槃不能證得無上安樂若有於耽已如實知
已正徧知已能永斷彼於自心已離耽故即
能通達即能徧知即能等覺即能涅槃即能
證得無上安樂是故於耽應如實知應正徧
知應求永斷於佛法中當修梵行爾時世尊
重攝上義而說頌曰
若於耽未知 彼去涅槃遠 於耽已知者

去涅槃不遙 我觀諸有情 由耽之所染
還來墮惡趣 受生死輪迴 若能止了知
永斷此耽者 得上沙門果 畢竟不受生
吾從世尊聞如是語必芻當知若有於慢未
如實知未正徧知未能永斷彼於自心未離
孝二慢故不能通達不能徧知不能等覺不能涅
六槃不得證得無上安樂若有於慢已如實知
已正徧知已能永斷彼於自心已離慢故即
能通達即能徧知即能等覺即能涅槃即能
證得無上安樂是故於慢應如實知應正徧

知應求永斷於佛法中當修梵行爾時世尊
重攝上義而說頌曰

若於慢未知 彼去涅槃遠 於慢已知者
去涅槃不遙 我觀諸有情 由慢之所染
還來墮惡趣 受生死輪迴 若能正了知

永斷此慢者 得上沙門果 畢竟不受生
吾從世尊聞如是語必芻當知若有於害未
如實知未正徧知未能永斷彼於自心未離
害故不能通達不能徧知不能等覺不能涅
槃不能證得無上安樂若有於害已如實知

已正徧知已能永斷彼於自心已離害故即
能通達即能徧知即能等覺即能涅槃即能
證得無上安樂是故於害應如是知應正徧
知應求永斷於佛法中當修梵行爾時世尊
重攝上義而說頌曰

孝二

若於害未知 彼去涅槃遠 於害已知者
去涅槃不遙 我觀諸有情 由害之所染
還來墮惡趣 受生死輪迴 若能正了知
永斷此害者 得上沙門果 畢竟不受生
吾從世尊聞如是語必芻當知若於一切未

七

如實知未正徧知未能永斷彼於自心未離
一切故不能通達不能徧知不能等覺不能
涅槃不能證得無上安樂若於一切已如實
知已正徧知已能永斷彼於自心已離一切
故即能通達即能徧知即能等覺即能涅槃
即能證得無上安樂故於一切應如實知應
正徧知應求永斷於佛法中當修梵行爾時
世尊重攝此義而說頌曰
若一切未知 彼去涅槃遠 一切已知者
去涅槃不遙 我觀諸有情 由一切所染

還來墮惡趣 受生死輪迴
重攝前經喩陀南曰
貪瞋及愚癡 覆藏慳忿恨
嫉慳與耽嗜
慢害將一切

吾從世尊聞如是語必芻當知一切修習福
業事中慈心解脫取為第一所以者何慈心
解脫威德熾盛映蔽一切諸福業事以彼諸
事所有威德欲比所修慈心解脫十六分中
亦不及一芻芻當知譬如小大諸國王中轉
輪聖王最為第一所以者何轉輪聖王威德

熾盛映蔽一切小大諸王以彼諸王所有威
德比轉輪王十六分中亦不及一諸福業事
亦復如是欲比所修慈心解脫十六分中亦
不及一又如小大諸星之中其滿月輪最為
第一所以者何是滿月輪威德熾盛映蔽一
切小大諸星以彼諸星所有威光比滿月輪
十六分中亦不及一諸福業事亦復如是欲
比所修慈心解脫十六分中亦不及一爾時
世尊重攝此義而說頌曰
一切福業事 比慈心解脫 於十六分中

亦不能及一 於一有情所 能修慈善心
其福尚無邊 何況於一切 諸有大國王
威伏於大地 世間祠施會 一切無不為
如是祠施福 比所修慈心 於十六分中
亦不能及一 如轉輪聖帝 威德蔽諸王
亦如滿月輪 其光映諸宿 如是諸所修
一切福業事 皆為慈善心 威德之所覆
修慈心解脫 若人若非人 一切諸有情
皆不能為害
吾從世尊聞如是語苾芻當知我觀世間無

別一法為諸有學未得心者希求無上安樂
果時作外強緣如善知識所以者何彼諸有
情因善知識所求皆遂謂斷眾惡修習諸善
得無雜染真淨之身爾時世尊重攝此義而
說頌曰

我觀諸世間九無別有一法學未得心者
求無上果時為作外強緣如彼善知識
親近善知識所求無不成恭敬受其教
無放逸奉行速證於涅槃離怖常安樂
吾從世尊聞如是語必芻當知我觀世間無

別一法為諸有學未得心者希求無上安樂
果時作內強緣如正作意所以者何彼諸有
情因正作意所求皆遂謂斷眾惡修習諸善
得無雜染真淨之身爾時世尊重攝此義而
說頌曰

我觀諸世間無別有一法學未得心者
求無上果時為作內強緣如彼正作意
修習正作意所求無不成如理審觀察
無放逸修行速證於涅槃離怖常安樂
吾從世尊聞如是語必芻當知若諸有情能

知惠施所感果報明了現前如我知者必無
慳悋纏染其心設彼唯有所食一搏要分施
他然後自食以不知故爲諸慳悋纏染其心
雖有無量飲食財寶而不施他唯自食用所
以者何惠施果報生人天中無量往返受諸
快樂爾時世尊重攝此義而說頌曰

世間諸有情 若了知惠施 能感大果報
明見似如來 其心必不爲 慳悋所纏染
唯有食一搏 而亦能分施 由不知施果
明見似如來 雖有多財食 慳悋不能捨

若於凡聖田 三時心喜施 感人天果報
往返量無邊

吾從世尊聞如是語苾芻當知若諸有情能
知犯戒所感果報明了現前如我知者行住
坐卧皆不能安言笑飲食都無思念其心驚

卷二

惶狂亂吐血身形萎悴如彼刈蘆以不知故

十

安然無畏所以者何諸犯戒罪能感惡趣增
上猛利諸苦果報爾時世尊重攝此義而說
頌曰

世間諸有情 若了知犯戒 能感苦果報

明見似如來	四威儀不安	不思言笑等
心驚狂吐血	身悴如刈蘆	由不知犯戒
能感惡趣苦	明見似如來	安然不驚懼
諸有犯戒人	定墮於惡趣	受增上猛利
苦果報無邊		

吾從世尊聞如是語必芻當知若諸有情能知持戒所感果報明了現前如我知者彼於自身深生厭離欣樂當來堅持禁戒以不知故樂著自身毀犯禁戒所以者何諸持戒福能感善趣增上猛利諸樂果報爾時世尊重

攝此義而說頌曰

世間諸有情	若子知持戒	能感樂果報
明見似如來	便於不淨身	深能生厭離
永當來勝果	堅持淨尸羅	由不知持戒
能感善趣樂	明見似如來	故毀犯淨戒
諸有持戒人	得生於善趣	受天諸妙樂
證無上涅槃		

吾從世尊聞如是語必芻當知若諸有情知而妄語無慙無愧無改悔心我說彼於惡不善業無不能造爾時世尊重攝此義而說頌

曰

知而故妄語

無慙愧悔心

如是諸有情

無惡而不造

吾從世尊聞如是語必芻當知若諸有情知而妄語深生慙愧有改悔心我說彼於白淨

善法無不能造爾時世尊重攝此義而說頌

曰

知而故妄語

有慙愧悔心

如是諸有情

無善而不造

精勤不放逸

如說正修行

得無上涅槃

永離諸怖畏

吾從世尊聞如是語必芻當知有一最勝補特伽羅彼於世間若不出現無量有情退失聖慧云何爲一補特伽羅所謂如來應正等覺所以者何若諸如來應正等覺不現世間無能宣說修聖慧法故諸有情退失聖慧芻當知諸有退失親友財位名小退失退失聖慧名大退失所以者何若諸有情退失聖慧於現法中多諸憂苦無喜樂住有災有患有惱有燒及於當來長夜受苦及受種種猛利災害增長血滴常遊死路數墮地獄餓鬼

傍生阿素洛趣數受人天生死憂苦所以者
何由彼有情於其聖慧未能隨覺未能通達
故於六趣生死輪迴若諸有情證得聖慧便
能出離正盡苦邊是故汝等應如是學我當
云何修習聖慧令不退失我當云何於諸聖
卷二慧隨覺通達汝等必勿應如是學爾時世尊
重攝此義而說頌曰
如來不出現 世間諸有情 無救無歸依
皆退失聖慧 失親友財位 是名小退失
若失眞聖慧 是名大退失 我觀諸世間

失無上聖慧 輪轉於生死 受諸名色身
彼於現法中 有苦無安樂 於當來長夜
久生死輪迴 若欲求聖慧 正盡衆苦邊
當願諸如來 數出現於世
吾從世尊聞如是語必勿當知有一最勝補
特伽羅彼於世間若出現者無量有情增長
聖慧云何爲一補特伽羅所謂如來應正等
覺所以者何若諸如來應正等覺出現世間
有能宣說修聖慧法令諸有情增長聖慧必
勿當知諸有增長親友財位名小增長增長

聖慧名大增長所以者何若諸有情增長聖
慧於現法中多諸喜樂無憂苦住無災無患
無惱無燒不於當來長夜受苦不受種種猛
利災害不增血滴不遊死路不墮地獄餓鬼
傍生阿素洛趣不受人天生死憂苦所以者
何由彼有情於其聖慧已能隨覺已能通達
不於六趣生死輪迴若諸有情未增聖慧無
能出離正盡苦邊是故汝等應如是學我當
云何修習聖慧令其增長我當云何於諸聖
慧隨覺通達汝等苾芻應如是學爾時世尊

重攝此義而說頌曰
如來若出現 世間諸有情 有救有歸依
皆增長聖慧 得親友財位 是名小增長
若得真聖慧 是名大增長 我觀諸世間
得無上聖慧 不流轉生死 定取於涅槃
彼於現法中 離苦常安樂 於當來長夜
離生死輪迴 若欲增聖慧 正盡眾苦邊
當願佛世尊 長久住於世
吾從世尊聞如是語苾芻當知世有一法於
生長時令諸有情愚癡增益顛倒堅固垢穢

隨增惡趣成滿與多衆生爲不利益爲不安
樂令諸世間人天大衆無義無利增長憂苦
云何一法所謂邪見所以者何由邪見故令
諸有情愚癡增益顛倒堅固垢穢隨增惡趣
成滿與多衆生爲不利益爲不安樂令諸世
間人天大衆無義無利增長憂苦如是名爲
世有一法於生長時令諸有情愚癡增益廣
說乃至令諸世間人天大衆無義無利增長
憂苦爾時世尊重攝此義而說頌曰
邪見生長時 令愚癡增益 及顛倒堅固

諸垢穢隨增 成滿諸惡趣 爲無利樂等
邪見害愚夫 如火燒衆物
吾從世尊聞如是語苾芻當知世有一法於
生長時令諸有情愚癡損減顛倒除滅淨法
隨增脫諸惡趣善趣成滿與多衆生爲大利
益爲大安樂令諸世間人天大衆有義有利
增長喜樂云何一法所謂正見所以者何由
正見故令諸有情愚癡損減顛倒除滅淨法
隨增脫諸惡趣善趣成滿與多衆生爲大利
益爲大安樂令諸世間人天大衆有義有利

增長喜樂如是名為世有一法於生長時令諸有情愚癡損減廣說乃至令諸世間人天大眾有義有利增長喜樂爾時世尊重攝此義而說頌曰

正見生長時 令愚癡損減 及顛倒除滅

諸淨法隨增 脫惡滿善趣 為有利樂等

正見現在前 速證涅槃樂

吾從世尊聞如是語必芻當知我觀世間無別一法速疾迴轉猶如其心所以者何是心於境速疾迴轉世出世間無可為喻汝等應

取如是心相善取相已應善思惟善思惟已應善觀察善觀察已應善安住善安住已若不覺有內貪欲纏而不覺耶我今為無內貪欲纏而不覺耶審觀察已復應作意思惟隨一

孝二

十五

可愛境相如是作意思惟隨一可愛相時若心隨順趣何喜樂可愛境相當知此心隨順諸欲違背出離汝等爾時應自覺了我今猶有內貪欲纏而不能覺非為無有我今未斷五欲貪纏所證與前未有差別我今猶未證

所修果譬如有人於駛流水牽重船筏逆下而行此人爾時多用功力若暫懈慢便順下流如是汝等思惟隨一可愛相時若心隨順趣向喜樂可愛境相當知此心隨順諸欲違背出離汝等爾時應自覺了我今猶有內貪欲纏而不能覺非爲無有我今未斷五欲貪纏所證與前未有差別我今猶未證所修果汝等作意思惟隨一可愛相時若心隨順趣向喜樂出離之相當知此心隨順出離違背諸欲汝等爾時應自覺了我今無有內貪欲

纏非彼猶有而不能覺我今已斷五欲貪纏所證與前已有差別我今已能證所修果如以筋羽投置火中便即焦捲而不舒緩如是汝等思惟隨一可愛相時若心隨順趣向喜樂出離之相當知此心隨順出離違背諸欲汝等爾時應自覺了我今無有內貪欲纏非彼猶有而不能覺我今已斷五欲貪纏所證與前已有差別我今已能證所修果是故汝等應如是學我當云何善轉自心令其調伏違背諸欲隨順出離汝等必芻應如是學爾

時世尊重攝此義而說頌曰

無別有一法 性躁動如心

大仙之所說 譬如智人

調直於利箭 令遠有所中

應善學方便 調直於心性

重攝前經^{孝二}唵柁南曰

修慈修二緣 施犯戒持戒

邪見正見心

二妄二聖慧

十六 令速證涅槃

本事經卷第二

音釋

唵柁南

梵語也此云自說

萎

危切

悴

秦醉切

刈

魚肺切

待可切

唵

枯也

悴

危切

本事經卷第三

孝三

唐三藏法師玄奘奉 詔譯

二法品第二之一

吾從世尊聞如是語苾芻當知若有苾芻成就二分於現法中多諸憂苦無喜樂住有災

孝三

有患有惱有燒有罪有責為諸有情同梵行者之所訶毀身壞命終生諸惡趣云何為二一於根門不能守護二於飲食不善知量諸有苾芻成就此二於現法中多諸憂苦無喜樂住有災有患有惱有燒有罪有責為諸有

智同梵行者之所訶毀身壞命終生諸惡趣爾時世尊重攝此義而說頌曰

若不能守護 眼等六根門 飲食不知量

成不信懈怠 彼於現法中 身心多受苦

及有災有患 有惱有燒然 行住於坐卧

若覺若夢中 由彼二因緣 恒有罪有責

居聚落空閑 衆中及靜處 有智常訶責

當生惡趣中

吾從世尊聞如是語苾芻當知若有苾芻成就二分於現法中多諸喜樂無憂苦住無災

無患無惱無燒無罪無責為諸有智同梵行者之所稱讚身懷命終生諸善趣云何為二一於根門能自守護二於飲食能善知量諸有苾芻成就此二於現法中多諸喜樂無憂苦住無災無患無惱無燒無罪無責為諸有智同梵行者之所稱讚身懷命終生諸善趣爾時世尊重攝此義而說頌曰
若能自守護 眼等六根門 飲食善知量 成就信精進 彼於現法中 身心多受樂 及無災無患 無惱無燒然 行住與坐卧

若覺若夢中 由彼二因緣 恒無罪無責 居聚落空閑 衆中及靜處 有智常稱讚 當生善趣中
吾從世尊聞如是語苾芻當知有二種法能生焦惱云何為二謂有一類補特伽羅惟造衆惡字三惟作兇狂惟起雜穢不修衆善不習調柔不救怖畏彼於後時身嬰重疾徧體發生增上猛利嚴切苦受楚毒垂終不可醫療受此苦時呻吟怨歎作是念言我從昔來惟造衆惡惟作兇狂惟起雜穢不修衆善不習調

柔不救怖畏若諸有情惟造衆惡惟作兇狂
惟起雜穢不修衆善不習調柔不救怖畏彼
之所趣我定當往彼由惟造衆惡等故心生
焦惱及以不修衆善等故心生焦惱如是名
爲有二種法能生焦惱爾時世尊重攝此義
而說頌曰

有二法能生	愚者心焦惱	謂惟作罪業
及不修福因	後遭病苦時	呻吟而怨歎
恨有罪無福	心悔惱焦然	有罪無福人
所生諸惡趣	我亦當隨生	決定無有疑

吾從世尊聞如是語必芻當知有二種法心
不焦惱云何爲二謂有一類補特伽羅惟修
衆善惟習調柔惟救怖畏不造衆惡不作兇
狂不起雜穢彼於後時身嬰重疾徧體發生
增上猛利嚴切苦受楚毒垂終不可醫療受
此苦時雖有呻吟而無怨歎作是念言我從
昔來惟修衆善惟習調柔惟救怖畏不造衆
惡不作兇狂不起雜穢若諸有情惟修衆善
惟習調柔惟救怖畏不造衆惡不作兇狂不
起雜穢彼之所趣我定當往彼由惟修衆善

卷三

三

等故心不焦惱及以不造衆惡等故心不焦
惱如是名爲有二種法心不焦惱爾時世尊
重攝此義而說頌曰

有二法能生 智者心歡喜 謂惟修福業
及不作罪因 後遭病苦時 呻吟無怨歎

慶有福無福 不悔惱焦然 有福無罪人
所生諸善趣 我亦當隨往 決定無有疑
吾從世尊聞如是語必芻當知爲汝畧說二
速通行云何爲二一者樂行二者苦行謂由
樂行證彼速通及由苦行證彼速通所修加

行無澀難故所得諸根皆猛利故是則名爲
樂速通行所修加行有澀難故所得諸根皆
猛利故是則名爲苦速通行是名畧說二速
通行爾時世尊重攝此義而說頌曰

今爲汝畧說 二種速通行 謂樂行苦行

因斯證速通 無澀難加行 有猛利諸根
由是大仙尊 名樂速通行 有澀難加行
有猛利諸根 由是大仙尊 名苦速通行
吾從世尊聞如是語必芻當知爲汝畧說二
速通行云何爲二一者樂行二者苦行謂由

樂行證彼遲通及由苦行證彼遲通所修加
行無澀難故所得諸根皆羸鈍故是則名為
樂遲通行所修加行有澀難故所得諸根皆
羸鈍故是則名為苦遲通行是名畧說二遲
通行爾時世尊重攝此義而說頌曰

孝三

今為汝畧說 二種遲通行 謂樂行苦行
因此證遲通 無澀難加行 有羸鈍諸根
由是大仙尊 名樂遲通行 有澀難加行
有羸鈍諸根 由是大仙尊 名苦遲通行
吾從世尊聞如是語必芻當知若有一類補

特伽羅成就二法不能發生白淨善法設已
發生不能決定設已決定不能圓滿彼於如
是白淨善法能為障礙能作衰損能生憂悔
身壞命終如棄重檐墮於地獄受諸劇苦云
何為二一者惡戒二者惡見諸有一類補特
伽羅成就如是所說二法定不能生白淨善
法設復已生不能決定廣說乃至身壞命終
如棄重檐墮於地獄受諸劇苦爾時世尊重
攝此義而說頌曰
若成就二法 謂惡戒惡見 彼人終不能

生白淨善法 雖生而不定 設定不圓滿
於白淨善法 能衰損障礙 彼臨命終時
有憂悔悲惱 如棄捨重擔 定生地獄中
吾從世尊聞如是語 必芻當知 若有一類補
特伽羅成就二法 定能發生白淨善法 若先
已生能令決定 若先已定能令圓滿 彼於如
是白淨善法 不為障礙 不作衰損 不生憂悔
身壞命終 如棄重擔 生天趣中 受諸快樂 云
何為二一者善戒 二者善見 諸有一類補特
伽羅成就如是所說二法 決定能生白淨善

法 若先已生能令決定 廣說乃至身壞命終
如棄重擔 生天趣中 受諸快樂 爾時世尊重
攝此義而說 頌曰
若成就二法 謂善戒善見 彼人終定能
生白淨善法 若生而決定 決定必圓滿
於白淨善法 不衰損障礙 彼臨命終時
無憂悔悲惱 如棄捨重擔 定生天趣中
吾從世尊聞如是語 必芻當知 若有一類補
特伽羅成就二法 臨命終時 能生憂悔身壞
命終 墮諸惡趣 生地獄中 云何為二 謂作不

作云何爲作謂身惡行語惡行意惡行是名
 爲作云何不作謂身妙行語妙行意妙行是
 名不作謂有一類補特伽羅成就如是所說
 二法臨命終時能生憂悔身壞命終墮諸惡
 趣生地獄中爾時世尊重攝此義而說頌曰
 諸有愚癡人 作三種惡行 不作三妙行
 引餘過令生 彼臨命終時 決定有憂悔
 死墮諸惡趣 生於地獄中
 吾從世尊聞如是語必勿當知若有一類補
 特伽羅成就二法臨命終時不生憂悔身壞

命終昇於善趣生天界中去何爲二謂作不
 作云何爲作謂身妙行語妙行意妙行是石
 爲作云何不作謂身惡行語惡行意惡行是
 名不作諸有一類補特伽羅成就如是所說
 二法臨命終時不生憂悔身壞命終昇於善
 趣生天界中爾時世尊重攝此義而說頌曰
 諸有智慧人 作三種妙行 不作三惡行
 引餘德令生 彼臨命終時 決定無憂悔
 死昇諸善趣 生於天界中
 吾從世尊聞如是語必勿當知有二妙智應

修令生能得未得能觸未觸能證未證能超
愁歎能滅憂苦能會正理能獲甘露能證涅槃云何爲二一者法智二者類智法智生時便能無倒徧知有爲於有爲法既徧知已便能令彼感後有因不得生起增長廣大類智生時便能如實斷滅無明滅無明故便無戲論無戲論故便無尋伺無尋伺故便無樂欲無樂欲故便無愛憎無愛憎故便無慳嫉無慳嫉故便無種種執持刀仗違害鬭諍互相罵辱不真實語相離間語諸雜穢語及餘無

量惡不善法無彼諸惡不善法故感後有業
便不增長感後有業不增長故諸業滅盡業
滅盡故衆苦滅盡苦滅盡故生死路絕此路
絕已便自了知我生已盡梵行已立所作已
辦不受後有如是名爲有二妙智應修令生
能得未得能觸未觸能證未證能超愁歎能
滅憂苦能會正理能獲甘露能證涅槃爾時
世尊重攝此義而說頌曰
有二種妙智 應修習令生 能得未得等
謂法智類智 若法智生時 徧知有爲法

便能今後有 因不生不增 若類智生時
無明便斷滅 由此展轉故 絕生死輪迴
自知我生盡 及梵行已立 所作皆已辦
更不受後有

吾從世尊聞如是語必芻當知有二妙智應
正尋思應善稱量應審觀察能得未得能觸
未觸能證未證能超愁歎能滅憂苦能會正
理能獲甘露能證涅槃云何爲二謂世間智
及出世智世間智者謂於色蘊能正了知此
爲色蘊於受想行及識蘊中亦復如是於其

地界能正了知此爲地界於水火風及空識
界亦復如是於其眼界能正了知此爲眼界
於其色界及眼識界亦復如是於其耳界能
正了知此爲耳界於其聲界及耳識界亦復
如是於其鼻界能正了知此爲鼻界於其香
界及鼻識界亦復如是於其舌界能正了知
此爲舌界於其味界及舌識界亦復如是於
其身界能正了知此爲身界於其觸界及身
識界亦復如是於其意識界能正了知此爲意
界於其法界及意識界亦復如是於如此等

世俗法中如是如是如實了知智見通慧現
觀等覺周徧照了名世間智諸聖弟子於此
所說世間智中應正尋思應善稱量應審觀
察此世間智正修習時爲能令彼生法有情
永脫生不爲能令彼老法有情永脫老不病
法死法愁法歎法憂法苦法不安隱法亦復
孝三
如是既審察已能正了知此世間智正修習
時不能令彼生法有情永脫於生不能令彼
老法有情永脫於老病法死法愁法歎法憂
法苦法不安隱法亦復如是所以者何此世

間智非賢聖法非能永出非趣涅槃非能永
獸非能永離非能永滅非能永寂非真通慧
非正等覺不證涅槃是感生法是感老法病
法死法愁法歎法憂法苦法不安隱法彼於
如是尋思稱量審觀察時於世間法住怖畏
想於出世法住安靜想以於世間生怖畏故
都無執受無執受故不生渴愛不渴愛故便
自內證究竟涅槃證涅槃已便自了知我生
已盡梵行已立所作已辦不受後有是名於
此世間智中應正尋思應善稱量應審觀察

出世智者謂於一切蘊界處中能正了知如是諸法は無常性苦性病性癱性箭性惱性害性怖性熱性壞性滅性災性橫性有疫癘性虛性僞性空性妄性無實我性難保信性於如是等諸法性中如實了知智見通慧現孝三觀等覺周徧照了名出世智諸聖弟子於此所說出世智中應正尋思應善稱量應審觀察此出世智正修習時為能令彼生法有情求脫生不為能令彼老法有情求脫老不病法死法愁法歎法憂法苦法不安隱法亦復

如是既審察已能正了知此出世智正修習時定能令彼生法有情求脫於生定能令彼老法有情求脫於老病法死法愁法歎法憂法苦法不安隱法亦復如是所以者何此出世智是賢聖法是能永出是趣涅槃是能永厭是能永離是能永滅是能永寂是真通慧是正等覺能證涅槃非感生法非感老法病法死法愁法歎法憂法苦法不安隱法彼於如是尋思稱量審觀察時於出世法生珍寶想於世間法生下賤想以於出世生珍寶故

便生歡喜生歡喜故其心安適心安適故身
得輕安身輕安故便受悅樂受悅樂故心得
寂定心寂定故能實知見實知見故能深猷
背深猷背故能正離欲正離欲故能得解脫
得解脫故便自了如我生已盡梵行已立所
作已辦不受後有是名於此出世智中應正
尋思應善稱量應審觀察如是名為有二妙
智應正尋思應善稱量應審觀察能得未得
能觸未觸能證未證能超愁歎能滅憂苦能
會正理能獲甘露能證涅槃爾時世尊重攝

此義而說頌曰

有二種妙智

智者應尋思

謂世出世間

能正盡眾苦

應觀世間智

發生怖畏想

都無有執受

展轉證涅槃

應觀出世智

發生珍寶想

由此生歡喜

便得身輕安

孝三

輕安故悅樂

悅樂故心定

由心得定故

便能生覺支

覺支觀聖諦

永斷諸疑網

無疑無所取

永脫眾苦邊

重攝前經喟陀南曰

二根二焦惱

二行二戒見

二作及不作

二智有二種

吾從世尊聞如是語必芻當知若有必芻為欲矯誑諸衆生故為求名譽遠所聞故為求利養及恭敬故而出家者不名真實於如來所修行梵行若有必芻為通達故為徧知故而出家者是名真實於如來所修行梵行所以者何是諸苾芻為通達故為徧知故而出家已便能如實通所通達知所徧知既能如實通所通達知所徧知便能如實斷所應斷修所應修證所應證既能如實斷修證已便

自了知我生已盡梵行已立所作已辦不受後有如是若有為通達故為徧知故而出家者是名真實於如來所修行梵行爾時世尊重攝此義而說頌曰

為矯誑名譽

孝三

利養及恭敬

非真修梵行

是虛妄出家

為通達徧知

速證最上義

是真修梵行

非虛妄出家

吾從世尊聞如是語必芻當知若有必芻為欲矯誑諸衆生故為求名譽遠所聞故為求利養及恭敬故而出家者不名真實於如來

所修行梵行若有苾芻為律儀故為正斷故
而出家者是名真實於如來所修行梵行所
以者何是諸苾芻為律儀故為正斷故而出
家已便能如實守護六根不虧禁戒及能速
證最上正斷既能如實守護六根不虧禁戒
及能速證最上正斷便能如實斷所應斷修
所應修證所應證既能如實斷修證已便自
了知我生已盡梵行已立所作已辦不受後
有如是若有為律儀故為正斷故而出家者
是名真實於如來所修行梵行爾時世尊重

攝此義而說頌曰

為矯誑名譽

利養及恭敬

非真修梵行

是虛妄出家

為正斷律儀

速證最上義

是真修梵行

非虛妄出家

吾從世尊聞如是語苾芻當知若有苾芻為
欲矯誑諸眾故為求名譽遠所聞故為求
利養及恭敬故而出家者不名真實於如來
所修行梵行若有苾芻為求厭背為求離欲
而出家者是名真實於如來所修行梵行所
以者何是諸苾芻為厭背故為離欲故而出

家已便能如實厭背離欲既離欲已便得解脫既解脫已便自了知我生已盡梵行已立所作已辦不受後有如是若有為厭背故為離欲故而出家者是名真實於如來所修行梵行爾時世尊重攝此義而說頌曰

孝三

十二

為矯誑名譽 利養及恭敬 非真修梵行
是虛妄出家 為厭背離欲 速證最上義
是真修梵行 非虛妄出家

吾從世尊聞如是語必芻當知一切如來應正等覺所說法門畧有二種云何為二一者

於惡應正了知二者於惡應深厭背一切如來應正等覺畧說如是二種法門所以者何諸修行者於諸惡法應正了知既於惡法正了知已便能厭背既厭背已便能離欲既離欲已便得解脫得解脫已便自了知我生已盡梵行已立所作已辦不受後有如是行者永斷諸愛及眾結縛無倒現觀正盡苦邊爾時世尊重攝此義而說頌曰
當知諸如來 應正等覺者 哀愍眾生故
說二種法門 於眾惡正知 及厭背離欲

心解脫自在 正盡眾苦邊

吾從世尊聞如是語必芻當知有二種法若修若習若多修習能斷二法云何二法若修若習若多修習能斷二法謂不淨觀及慈悲觀能斷貪欲及與瞋恚所以者何一切已貪現貪當貪皆由作意思惟淨相一切已瞋現瞋當瞋皆由作意思惟怨相一切已斷現斷當斷所有貪欲皆由作意修不淨觀一切已斷現斷當斷所有瞋恚皆由作意修慈悲觀於不淨觀若修若習若多修習決定能斷一

卷三

十三

切貪欲於慈悲觀若修若習若多修習決定能斷一切瞋恚若欲決定斷貪欲者當勤精進修不淨觀若欲決定斷瞋恚者當勤精進修慈悲觀修不淨觀無有貪欲而不能斷修慈悲觀無有瞋恚而不能斷如是名為有二種法若修若習若多修習能斷二法爾時世尊重攝此義而說頌曰
修習多修習 二法斷二法 謂不淨慈悲
斷貪欲瞋恚 是故有智者 當觀自饒益
修不淨慈悲 斷貪欲瞋恚

吾從世尊聞如是語必芻當知其涅槃界畧有二種云何爲二一者有餘依涅槃界二者無餘依涅槃界云何名爲有餘依涅槃界謂諸苾芻得阿羅漢諸漏已盡梵行已立所作已辦已捨重擔已證自義已盡有結已正解了心善解脫已得徧知宿行爲緣所感諸根猶相續住雖成諸根現觸種種好醜境界而能厭捨無所執著不爲愛恚纏繞其心愛恚等結皆永斷故彼於諸色求欲見時雖復以眼觀於諸色而不發起貪瞋癡等雖復有眼

及好醜色而無貪欲亦無瞋恚所以者何愛恚等結皆永斷故彼於諸聲求欲聞時雖復以耳聽於諸聲而不發起貪瞋癡等雖復有耳及好醜聲而無貪欲亦無瞋恚所以者何愛恚等結皆永斷故彼於諸香求欲嗅時雖復以鼻嗅於諸香而不發起貪瞋癡等雖復有鼻及好醜香而無貪欲亦無瞋恚所以者何愛恚等結皆永斷故彼於諸味求欲嘗時雖復以舌嘗於諸味而不發起貪瞋癡等雖復有舌及好醜味而無貪欲亦無瞋恚所以

者何愛恚等結皆永斷故彼於諸觸求欲覺時雖復以身覺於諸觸而不發起貪瞋癡等雖復有身及好醜觸而無貪欲亦無瞋恚所以者何愛恚等結皆永斷故彼於諸法求欲知時雖復以意知於諸法而不發起貪瞋癡等雖復有意及好醜法而無貪欲亦無瞋恚所以者何愛恚等結皆永斷故乃至其身相續住世未般涅槃常為天人瞻仰禮拜恭敬供養是名有餘依涅槃界云何名為無餘依涅槃界謂諸苾芻得阿羅漢諸漏已盡梵行

已立所作已辦已捨重擔已證自義已盡有結已正解了已善解脫已得徧知彼於今時一切所受無引因故不復希望皆永盡滅畢竟寂靜究竟清涼隱沒不現惟由清淨無戲論體如是清淨無戲論體不可謂有不可謂無不可謂彼亦有亦無不可謂彼非有非無惟可說為不可施設究竟涅槃是名無餘依涅槃界苾芻當知如是名為畧有二種涅槃之界爾時世尊重攝此義而說頌曰
漏盡心解脫 任持最後身 名有餘涅槃

孝三

十五

諸行猶相續 諸所受皆滅 寂靜永清涼
名無餘涅槃 衆戲論皆息 此二涅槃界
最上無等倫 謂現法當來 寂靜常安樂
吾從世尊聞如是語 苾芻當知由二纏故令
諸天人一類怯劣一類勇猛有慧眼者能正
觀察云何二纏謂有見纏無有見纏云何天
人一類怯劣謂有天人愛有樂有欣有喜有
爲滅有故說正法時不能恭敬攝耳聽受亦
復不能住奉教心不能隨順修如實見惟生
怯劣退轉驚怖我等爾時當何所有我等爾

時當如何有如是天人一類怯劣云何天人
一類勇猛謂有天人怖有厭有欣求無有彼
彼苦法所逼切故攝受執著如是如是諸惡
見趣作是念言我若斷壞隱沒不現爾時乃
名寂靜微妙如是天人一類猛盛云何名爲
有慧眼者能正觀察謂聖聲聞如實觀察既
觀察已不於如實而生憍慢不依如實而生
憍慢不因如實而生憍慢不恃如實而生憍
慢如實見已便生厭背既厭背已便能離欲
既離欲已便得解脫得解脫已便自了知我

生已盡梵行已立所作已辦不受後有作是
思惟世尊為彼喜樂諸有阿賴耶者恒為常
見所繫縛者令滅有故所說正法微細甚深
難見難悟寂靜勝妙非諸尋思所行境界是
諸審諦慧者所證一切世間真實對治謂能
除滅憍慢渴愛害阿賴耶斷諸徑路證真空
性離諸貪欲證得究竟寂滅涅槃作是思惟
世尊為彼怖畏諸有阿賴耶者恒為斷見所
繫縛者令知業果無失壞故所說正法現見
應時易見饒益智者內證一切世間真實對

孝三

十六

治謂能除滅憍慢渴愛害阿賴耶斷諸徑路
證真空性離諸貪欲證得究竟寂滅涅槃如
是名為有慧眼者能正觀察如是名為由二
纏故令諸天人一類怯劣一類勇猛有慧眼
者能正觀察爾時世尊重攝此義而說頌曰
由二纏所纏 令諸天人眾 一類有怯劣
一類有勇猛 有慧眼聲聞 能如實觀察
能除慢獸離 究竟證涅槃 復如實了知
佛所說正法 能滅斷常見 及二愛無餘
有慧眼龍王 能普雨法雨 滅除煩惱燄

令證大清涼

本事經卷第三

永樂北藏

本事經

第六六冊

永樂北藏

本事經

第六六冊

本事經卷第四

孝四

唐三藏法師玄奘奉

詔譯

二法品第二之二

吾從世尊聞如是語必芻當知若有芻減
省睡眠具念正知心常安住悅豫清淨於諸
善法善觀時宜而正修習如是芻減省睡
眠具念正知心常安住悅豫清淨於諸善法
善觀時宜而正修習於二果中隨證一果謂
於現法或證有餘依涅槃界或不還果爾時
世尊重攝此義而說頌曰

覺悟能聞法	修行得勝果	耽著於睡眠
都無有所得	減省睡眠者	具正念正知
善安住其心	常悅豫清淨	於諸善法中
知時宜修習	能究竟超越	生老病死苦
是故應勤修	減省睡眠法	常委觀寂靜
得二果無疑	或斷下分結	證得不還果
或斷上分結	度生老病死	

吾從世尊聞如是語必芻當知若有芻減於
空閑處常樂宴坐勤修內心奢摩他定不離
靜慮成就明淨毗鉢舍那守護自心令無散

亂於諸善法修集無厭如是苾芻於二果中
我說定能隨證一果謂於現法或證有餘依
涅槃界或不退果爾時世尊重攝此義而說
頌曰

樂空閑宴坐	具正念正知	善安住其心
離虛妄分別	善防護自心	速斷無明闇
及諸欲煩惱	無憂悔歸真	常寂定其心
具正念靜慮	無所執解脫	永盡諸有貪
常樂不放逸	見放逸生怖	諸見能永斷
速證般涅槃		

吾從世尊聞如是語苾芻當知若有苾芻無
慙無愧彼人決定不能通達不能徧知不證
等覺不證涅槃不能證得無上安樂若有苾
芻有慙有愧彼人決定能得通達能得徧知
能證等覺能證涅槃能證究竟無上安樂爾
時世尊重攝此義而說頌曰

無慙無愧者	懈怠不精進	多昏沉睡眠
去結盡爲遠	有慙有愧者	常無有放逸
樂靜慮深定	去涅槃不遙	彼能斷衆結
及生老病死	速證三菩提	得無上安樂

吾從世尊聞如是語，苾芻當知諸出家者，畧有二種所應作事。若能正作，得所未得，觸所未觸，證所未證，能超愁歎，能滅憂苦，能觸如理，能得甘露，能證涅槃。云何爲二？一者靜慮，二者聽說。云何靜慮？謂諸苾芻遠離諸欲，惡不善法，有尋有伺，離生喜樂，具足安住。最初靜慮，尋伺靜息，內淨一趣，無尋無伺，定生喜樂，具足安住。第二靜慮，離喜住捨，正念正知，身受快樂。衆聖所說有捨有念，安住快樂，具足安住。第三靜慮，斷苦斷樂，先滅憂喜，不苦

不樂，捨念清淨，具足安住。第四靜慮，云何聽說？謂諸苾芻於佛所說初中後善、文義、巧妙、純滿、清白梵行之法，所謂契經、應頌、記別、伽陀，自說本事、本生及與方廣，未曾有法，於如是法受誦、聽習，令其通利，宣暢解釋，是名聽說。如是名爲諸出家者，畧有二種所應作事。^三若能正作，得所未得，觸所未觸，證所未證，能超愁歎，能滅憂苦，能觸如理，能得甘露，能證涅槃。爾時世尊重攝此義而說，頌曰：

出家有二種 正所應作事 謂靜慮聽說

速證於涅槃 靜慮慧爲因 慧必由靜慮
有靜慮有慧 速證於涅槃 百千瘞羊僧
無慧修靜慮 設經百千歲 無一得涅槃
勤修智慧人 樂聽法說法 歛念須臾頃
能速證涅槃

吾從世尊聞如是語芻芻當知尋求有二更
無第三云何爲二謂聖尋求非聖尋求云何
名爲非聖尋求謂有一類已有老法尋求老
法已有病法尋求病法已有死法尋求死法
已有愁法尋求愁法已有染法尋求染法云

何老法所謂妻子奴婢僕使象馬牛羊鷄猪
田宅金銀財穀是名老法如是老法是諸有
情生死苦本愚夫異生於此守護染愛耽著
由此不能解脫生死故名老法云何病法所
謂妻子奴婢僕使廣說乃至由此不能解脫
生死故名病法云何死法所謂妻子奴婢僕
使廣說乃至由此不能解脫生死故名死法
云何愁法所謂妻子奴婢僕使廣說乃至由
此不能解脫生死故名愁法云何染法所謂
妻子奴婢僕使象馬牛羊鷄猪田宅金銀財

穀是名染法如是染法是謂有情生死苦本
愚夫異生於此守護染愛貪著由此不能解
脫生死故名染法若有於此愛樂尋求當知
是名非聖尋求如是尋求如來終不稱揚讚
歎唯勸導之令知捨離何緣如是非聖尋求
如來終不稱揚讚歎唯勸導之令知捨離由
此尋求非賢聖法非能出離非趣涅槃非厭
非離非滅非靜非得通慧非成等覺非證涅
槃由此尋求能引一切生老病死愁歎憂苦
諸熱惱法是故如是非聖尋求如來終不稱

揚讚歎唯勸導之令知捨離云何名為聖
尋求謂有一類已有老法能自了知我有老
法能如實知老法過患尋求畢竟無老無上
安樂涅槃已有病法能自了知我有病法能
如實知病法過患尋求畢竟無病無上安樂
涅槃已有死法能自了知我有死法能如實
知死法過患尋求畢竟無死無上安樂涅槃
已有愁法能自了知我有愁法能如實知愁
法過患尋求畢竟無愁無上安樂涅槃已有
染法能自了知我有染法能如實知染法過

患尋求畢竟無染無上安樂涅槃如是名為
是聖尋求如是尋求一切如來稱揚讚歎何
緣如是是聖尋求一切如來稱揚讚歎由此
尋求是賢聖法能求出離能趣涅槃能厭能
離能滅能靜能得通慧能成等覺能證涅槃
由此尋求能超一切生老病死愁歎憂苦生
死熱惱是故如是是聖尋求一切如來稱揚
讚歎如是名為尋求有二更無第三是故汝
等應如是學我當云何遠離如是非聖尋求
修行如是是聖尋求汝等必勿應如是學爾

時世尊重攝此義而說頌曰
一切有情類 有二種尋求 更無有第三
謂聖與非聖 不知老病死 愁染法過患
希求深愛著 名非聖尋求 此增長眾苦
出離未為期 從生復至生 或高或下趣
善知老病死 愁染法過患 希求彼寂滅
名真聖尋求 此損減眾苦 速證於涅槃
永安樂清涼 常無漏無怖 彼非聖尋求
諸佛所呵毀 是生死根本 智者當遠離
此真聖尋求 諸佛所稱讚 是趣涅槃道

有智者應修

重攝前經唄柁南曰

爲通達律儀 馱知不淨界 經覺悟宴坐

愧所作尋求

吾從世尊聞如是語苾芻當知畧有二種白

淨善法能護世間云何爲二謂慙與愧若無
此二白淨善法世間有情皆成穢雜猶如牛
羊鷄猪狗等不識父母兄弟姊妹不識軌範
親教導師似導師等由有此二白淨善法世
間有情離諸穢雜非如牛羊鷄猪狗等了知

父母兄弟姊妹了知軌範親教導師似導師

等是故汝等應如是學我當云何成就如是

二種最勝第一慙愧白淨善法汝等苾芻應

如是學爾時世尊重攝此義而說頌曰

二白淨善法 能護諸世間 令不失人天

辛四

謂慙及與愧 若無此二法 都不識尊卑

六

穢雜似牛羊 鷄猪狗等類 由有此二法

能了別尊卑 非如牛羊等 行諸雜穢事

諸有智慧人 成就二白法 常守人天趣

終不墮三塗

吾從世尊聞如是語。苾芻當知。我爲如來應正等覺。未成佛時。居菩薩位。多分安住。二種尋思。云何爲二。一者。如來居菩薩位。多分安住。不害尋思。欣喜悅樂。如是安住。不害尋思。欣喜悅樂。是名第一。多分尋思。由住如是修習。行迹於諸有情。都無損害。由此尋思。證得無量圓滿。梵住二者。如來居菩薩位。多分安住。永斷尋思。欣喜悅樂。如是安住。永斷尋思。欣喜悅樂。是名第二。多分尋思。由住如是修習。行迹於不善法。能正永斷。由此尋思。證得

善根圓滿。勝道我於爾時安住如是。二種尋思。精進勇猛。乃至自身一切血肉悉皆枯竭。唯餘身肉。骨筋皮纏裹。亦不放逸。乃至未知未見。未得未解。未證所應。知見得解。證法於其中間。住不放逸。精進勇猛。曾無懈廢。由不放逸。精進勇猛。無懈廢。故速證無上正等善提速證。無上清涼涅槃。速證無上一切智見。是故汝等應如是學。我當云何安住。不害欣喜悅樂。多分尋思。安住永斷。欣喜悅樂。多分尋思。汝等苾芻。應如是學。爾時世尊重攝此

孝四

七

義而說頌曰

佛為菩薩時

欣喜悅樂思

證無量梵住

一切煩惱纏

常精進勇猛

清涼涅槃等

多安住二法

不害諸有情

圓滿不為難

證得諸善根

無放逸而住

證無上菩提

謂不害永斷

修慈悲喜捨

永斷不善法

圓滿殊勝道

證無上菩提

證無上菩提

吾從世尊聞如是語苾芻當知諸婆羅門長

者居士刹帝利等多有所作謂施汝等如法

衣服飲食卧具病緣醫藥房舍資具汝等苾

芻多有所作謂能為彼宣說正法初中後善

文義巧妙純滿清白梵行之法由此俱能解

脫生法老病死法愁歎憂苦熱惱之法汝等

與彼力輪法輪展轉相依於如來所勤修梵

行速至無上般涅槃城爾時世尊重攝此義

而說頌曰

出家與居家

速至涅槃樂

在俗依出家

受人天快樂

展轉互相依

出家依在俗

獲微妙正法

度生老病死

由力法二輪

得如法資具

二眾互相依

至清涼涅槃

吾從世尊聞如是語。苾芻當知。依住尸羅能修二法。云何爲二。謂奢摩他毗鉢舍那。謂修行者依住尸羅修奢摩他。既修如是奢摩他。已修心令滿。爲何事故修習其心。修習心者。爲斷貪故。諸修行者依住尸羅精勤修習毗鉢舍那。既修如是毗鉢舍那。已修慧令滿。爲何事故修習其慧。修習慧者。爲斷癡故。貪染汙心。令不解脫。癡染汙慧。令不明照。若永離貪心善解脫。若永離癡慧善解脫。若於如是二種解脫。已能正知見得觸證。我說彼爲心

善解脫。慧善解脫。獨一修習。最上丈夫諸聖弟子正證如是心解脫者。若他罵詈呵責輕弄毀辱等時。不由此緣發生種種不忍不信害恨等心。所以者何。以能照見他罵詈等於彼有罪於已無損。諸聖弟子正證如是心解脫者。若他讚美恭敬禮拜供養等時。不由此緣發生種種歡喜踊躍悅豫等心。所以者何。以能照見他讚美等於彼有福於已無益。若能如是名於世法得心平等無戚無欣安隱自在。是故汝等應如是學。我當云何依住尸

羅修奢摩他毗鉢舍那汝等苾芻應如是學
爾時世尊重攝此義而說頌曰

依住淨尸羅 修無罪止觀 察護根及意

證甘露涅槃 修止令心調 心調離貪欲

離欲證解脫 證解脫心平 修觀令慧明

慧明滅癡闇 滅闇證解脫 證解心平等

故汝等苾芻 精進勿放逸 常依住尸羅

修無罪止觀

吾從世尊聞如是語苾芻當知修學勝利於
如來所修行梵行慧為上首解脫堅固念最

專勝若有成就修學勝利於如來所修行梵

行慧為上首解脫堅固念最專勝彼終不為

味著色貪纏擾其心亦復不為味著聲香味

觸法貪纏擾其心心不為貪所纏擾故無隨

味著色相貌識無隨味著聲香味觸法相貌

識於二果中隨證一果謂於現法證有餘依

般涅槃界或不還果爾時世尊重攝此義而

說頌曰

修學勝利人 依佛修梵行 慧為其上首

及解脫堅牢 念最居專勝 二果隨證一

謂現法涅槃	及永不還果	由慧為上首
貪不擾其心	無隨色等緣	相貌所生識
學勝利圓滿	生勝定上慧	盡生老死邊
證有餘依界	故汝等必芻	應勤修戒定
生微妙勝慧	盡生老病死	住我法律中
能無放逸者	定壞魔軍力	永盡眾苦邊
吾從世尊聞如是語	必芻當知一切世間惡	不善法皆以無明為其前導而得生長以無
慙愧為其後助而不損滅所以者何諸趣有	生生老病死愁歎憂苦熱惱等法一切皆用	

無明為根而得生長既生長已依之復能生起一切惡不善法惡法既生由無慙愧都無悔變無悔變故而不損滅一切世間善清淨法皆以慧明為其前導而得生長以慙與愧為其後助而不損滅所以者何明處其前慙愧為後能永斷滅諸趣有生生老病死能超一切愁歎憂苦熱惱等法能觸如理能得甘露能證涅槃是故汝等應如是學我當云何永斷無明發起慧明永斷一切諸趣有生生老病死永超一切愁歎憂苦熱惱等法觸於

如理得於甘露證於涅槃汝等必勿應如是
學爾時世尊重攝此義而說頌曰

此世及後生 生老病死等 貪愛等煩惱

皆無明為根 無明為大愚 今久處生死

此世與也世 高下趣往還 最初有無明

最後無慙愧 生長諸惡法 墮眾惡趣中

故應勤精進 離貪愛愚癡 發起智慧明

斷生死苦本

吾從世尊聞如是語必勿當知一切如來應
正等覺憐愍世間出興於世為欲永斷除捨

二法轉於賢聖無上法輪一切世間所有沙

門或婆羅門天魔梵等曾未有能如法轉者

云何二法一者無明二者有愛一切如來應

正等覺憐愍世間出興於世皆為永斷除捨

此二轉於賢聖無上法輪廣說乃至曾未有

孝四

十一

能如法轉者若能永斷除捨一切所有無明

及諸有愛令其永盡無有遺餘便能永斷一

切煩惱諸雜染法是則名為出諸坑塹越諸

垣墻破諸關鍵摧伊師迦是真賢聖是正法

幢是大沙門是婆羅門是真聰慧是真沐浴

是真智者是真調順至調順地名世福田爾
時世尊重攝此義而說頌曰
無上正等覺 商主世間尊 大雄大丈夫
拔衆毒箭者 哀愍諸世間 爲斷除二法
謂無明有愛 轉無上法輪 是苦是苦因
是衆苦永滅 是八支聖道 趣滅苦涅槃
智者聞斯法 信解等堅牢 達諸法正真
斷無明有愛 無明有愛除 諸雜染皆滅
至善調順地 名世良福田
吾從世尊聞如是語必勿當知有二苦事最

爲難忍一剃鬚髮二常乞求所以者何世間
怨嫌興呪詛者作是願言願彼貧窮剃除鬚
髮服故弊衣手持瓦器從家至家行乞自活
諸有淨信善男子等受持此法而出家者非
爲王賊債主怖畏之所逼切非恐不活而捨
居家但爲超度生老病死愁歎憂苦熱惱等
法但爲滅除純大苦蘊我諸弟子求如是事
正信出家爲利自他受持此法或有如是而
出家已未經幾時則便寬慢放逸懈怠下劣
精進亡失正念無有正知心亂不定縱任諸

根多欲貪著心懷瞋忿愚鈍無知耽染諸欲
虛妄思惟毀諸禁戒實非沙門自稱沙門實
非梵行自稱梵行內朽順流如穢蝸螺貝音
狗行覆藏已惡詐現自善成就種種惡不善
法譬如有人從閤入閤從坑墮坑從怨至怨
我說如是癡出家人亦復如是又如有木兩
頭火然中塗糞穢若在聚落及與空閑皆無
復用我說如是癡出家人亦復如是失在家
法復非沙門世出世間皆無勝分爾時世尊
重攝此義而說頌曰

孝四

十二

出家而破戒	二俱無所成	謂失在家儀
及壞沙門法	寧吞熱鐵丸	洋銅而灌口
不受人信施	而毀犯尸羅	諸毀犯尸羅
無悔無慙愧	多受人信施	定當生地獄
諸有智慧人	應堅持淨戒	勿受人信施
而毀犯尸羅		

吾從世尊聞如是語芟芻當知世有二種補
特伽羅攝受增益惡趣地獄惡不善法云何
二種補特伽羅一者一類補特伽羅毀犯淨
戒實非沙門自稱沙門實非梵行自稱梵行

內朽順流如穢蝸螺貝音狗行覆藏已惡詐
現自善如朽隧級無所復用唯增惡趣二者
一類補特伽羅於具淨戒無所毀犯精進修
行清白梵行有德苾芻以諸無根非梵行法
誹謗毀辱令失威光如是二種補特伽羅攝
受增益惡趣孝四地獄惡不善法爾時世尊重攝
此義而說頌曰

二補特伽羅 生長惡趣業 謂毀犯淨戒
及誹謗賢良 如是二種人 俱名為下賤
現在人所鄙 受苦在當來 是故諸苾芻

常應不放逸 受持清淨戒 勿誹謗他人
吾從世尊聞如是語苾芻當知世有二種補
特伽羅恩深難報云何為二所謂父母假使
有人一肩荷父一肩擔母盡其壽量曾無暫
捨供給衣食病緣醫藥種種所須猶未能報
父母深恩所以者何父母於子恩極深重所
謂產生慈心乳哺洗拭將養令其長不供給
種種資身眾具教示世間所有儀式心常欲
令離苦得樂會無暫捨如影隨形父母於子
既有如是所說深恩當云何報若彼父母於

佛法僧無清淨信其子方便示現勸導讚勵
慶慰令生淨信若彼父母無清淨戒其子方
便示現勸導讚勵慶慰令其受持清淨禁戒
若彼父母無彼多聞其子方便示現勸導讚
勵慶慰令其聽聞諸佛正法若彼父母為性
慳貪不樂布施其子方便示現勸導讚勵慶
慰令行布施若彼父母為性闇鈍無有勝慧
其子方便示現勸導讚勵慶慰令修勝慧其
子如是乃名真實報父母恩爾時世尊重攝
此義而說頌曰

二補特伽羅	恩深重難報	所謂父及母
能生長世間	假使以兩肩	盡壽荷父母
常供養恭敬	猶未為報恩	父母於世間
能生育教導	慈心求利樂	如彼影隨形
若父母先無	信戒聞捨慧	子令其修習
孝四		
名真實報恩	恭敬給所須	十四 唯現世安樂
令修信戒等	究竟證涅槃	
吾從世尊聞如是語必芻當知世有二種無		
欺誑法云何為二謂業與智若諸有情已集		
諸業其異熟果若未現前終不盡滅若諸有		

情已生諸智一切煩惱若未永除終不捨離如是名為世有二種無欺誑法爾時世尊重攝此義而說頌曰

二無欺誑法 諸佛共所談 謂已集已生諸業及諸智 異熟果未生 諸業終不滅

煩惱若未盡 智終不捨離 業是生死因 智為滅惑本 是故應修智 永盡衆苦邊

吾從世尊聞如是語苾芻當知世有二種補特伽羅應深尊重禮拜供養以敬愛心親近而住云何為二所謂父母若諸有情於其父

母深心尊重禮拜供養以敬愛心親近而住生無量福諸有智人咸共稱歎聲譽普聞處衆無畏後不焦惱無悔命終身壞死後昇諸善趣生於天中何緣有情應於父母深心尊重禮拜供養以敬愛心親近而住父母於子

第十四

十五

有深重恩所謂產生慈心乳哺洗拭將養令其長大供給種種資身衆具教示世間所有儀式心常欲令離苦得樂曾無暫捨如影隨形是故父母應深敬重禮拜供養以敬愛心親近而住若諸有情敬愛父母親近而住父

母於其深心慈愍除無益事授有益事制止
衆惡勸修衆善爲其甥娶貞良妻室有時賜
與珍寶財穀世間天人咸共稱歎恭敬供養
親近加護令無衰惱是故有情於其父母應
深尊重禮拜供養以敬愛心親近而住爾時
世尊重攝此義而說頌曰

諸有樂福人 應尊重父母 禮拜修供養
敬愛親近居 世間聰慧人 恭敬於父母
恒時修供養 常生歡喜心 父母於世間
恩深重難報 除無益制惡 授利勸修善

與妻室資財 慈心常覆護 是故修供養
無量福聚生 現得勝名聞 咸供養恭敬
死生天善趣 受妙樂無窮 欲得生夫人
受五欲妙樂 猶如天帝釋 當供養父母
重攝前經溫陀南曰

善尋輪戒學 無明慧斷除 苦毀謗報恩
無欺誑父母

本事經卷第四

永樂北藏

本事經

第六六冊

本事經卷第一

孝五

唐三藏法師玄奘奉 詔譯

二法品第二之三

吾從世尊聞如是語苾芻當知施有二種云何爲二一者財施二者法施云何財施謂有

孝五

一類補特伽羅能施種種美妙飲食香鬘衣乘房舍卧具資產燈明病緣醫藥捨如是等分布惠他名爲財施云何法施謂廣爲他宣說正法初中後善文義巧妙純滿清白梵行之法令諸有情聞已解脫生老病死愁歎憂

苦諸熱惱法是名法施於此財法二種施中法施最上勝妙第一譬如世間從牛出乳從乳出酪酪出生酥從此生酥出於熟酥復從熟酥出於醍醐於是種種牛諸味中醍醐最上勝妙第一如是財法二種施中法施最上勝妙第一於法施中能無顛倒行法施者唯有如來應正等覺明行圓滿善逝世間解無上丈夫調御士天人師佛薄伽梵爾時世尊重攝此義而說頌曰
於二種施中 法施爲第一 能行法施者

善逝最為尊 受財施田中 如來為第一
行財施不定 受法施眾生 財施令眾生
得世安隱樂 法施令受者 究竟證涅槃
吾從世尊聞如是語 苾芻當知祠祀有二云
何為二 一財祠祀 二法祠祀 財祠祀者 諸有
一類 補特伽羅 祠祀種種 美妙 飲食 香鬘 衣
乘 房舍 卧具 資產 燈明 如是等類 名財祠祀
法祠祀者 謂能祠祀 契經 應頌 記別 伽陀 自
說 本事 本生 方廣 未曾有法 以無量門 如理
宣說 施設 建立 分別 開示 名法祠祀 於此財

法二祠祀 中法祠最上勝妙第一 譬如世間
從牛出乳 從乳出酪 酪出生酥 從此生酥出
於熟酥 復從熟酥出於醍醐 於是種種牛諸
味中 醍醐最上勝妙第一 如是財法二祠祀
中 法祠最上勝妙第一 於法祠中能無顛倒
行法祠者 唯有如來 應正等覺 明行圓滿 善
逝世間解 無上丈夫 調御士 天人師 佛 薄伽
梵 爾時世尊重攝此義而說頌曰
於二種祠中 法祠為第一 能行法祠者
善逝最為尊 受財祠田中 如來為第一

行財祠不定 受法祀衆生 財祠令衆生
得世安隱樂 法祠令受者 究竟證涅槃
吾從世尊聞如是語苾芻當知諸修行者同
集會時應作二事一者法言二者宴默由法
言故審知有德審知德故便深敬信深敬信
故便往詣彼往詣彼故親近供事親供事故
求聞正法求聞法故攝耳不亂耳不亂故聽
聞正法聞正法故於法通利法通利故能記
持法記持法故能觀察義觀察義時堪能於
法審諦思惟堪能於法審諦思時便生欲樂

生欲樂已便得勢力得勢力已便能稱量由
稱量故便能決擇能決擇故於諦隨覺便自
了知我生已盡梵行已立所作已辦不受後
有由宴默故心便寂定清淨鮮白無有瑕疊
離隨煩惱調順堪任安住不動堪能引發能
引發故如實了知如實知故便能厭背能厭
背故便能離欲既離欲已便得解脫得解脫
已便自了知我已解脫我生已盡梵行已立
所作已辦不受後有汝等苾芻應說上法應
了上法若能如是乃名真實攝受仙幢非衆

考五

三

集會戲論語言能正了知諸法實相能斷諸漏能證涅槃我常集會宣說上法了知上法故名第一攝受仙幢爾時世尊重攝此義而說頌曰

行者集會時 應修作二事 謂寂然宴默

及說正法言 由說正法言 及寂然宴默

知諸法實相 究竟證涅槃 汝等諸苾芻

若說了上法 乃得名真實 攝受大仙幢

我常處衆中 宣說照了法 是故名第一

攝受大仙幢 若依正法幢 能說能修行

定速脫生死 至究竟涅槃

吾從世尊聞如是語苾芻當知若諸苾芻於言說時非理作意起欲尋思起恚尋思起害尋思如是苾芻名多惡者行慢緩者趣向多惡為方便故於斷於離棄捨善軀放逸懈怠下劣精進忘失正念有不正知不定心亂縱任諸根無出離見不知出離如實正慧趣向惡魔惡不善法為諸惡魔惡不善法之所摧伏增長一切惡不善法若諸苾芻於宴默時非理作意廣說乃至增長一切惡不善法如

是苾芻爲諸有智同梵行者之所訶毀我亦
於彼常不稱讚如是苾芻雖得出家受具足
戒而多惡慧樂有癡人是故汝等應如是學
我當云何方便斷除非理作意方便修習如
理作意汝等苾芻應如是學爾時世尊重攝
此義而說頌曰

孝五

言說宴默時	縱諸根造惡	不奉行我教
是愚昧癡人	故汝等苾芻	應修不放逸
離非理作意	當如理思惟	汝等若正勤
語默無放逸	不久度生死	證無上涅槃

吾從世尊聞如是語苾芻當知若諸苾芻於
言說時如理作意出離尋思無恚尋思無害
尋思如是苾芻名多善者無慢緩者趣向多
善爲方便故於斷於離不捨善軛離諸放逸
勇猛精進正念正知心定無亂密護諸根有
出離見能知出離如實正慧棄背惡魔惡不
善法摧伏惡魔惡不善法損減一切惡不善
法若諸苾芻於宴默時如理作意廣說乃至
損減一切惡不善法如是苾芻爲諸有智同
梵行者之所稱讚我亦於彼恒常稱讚如是

苾芻名真出家受具足戒有大智慧不樂諸
有名不癡人是故汝等應如是學我當云何
方便修習如理作意方便斷除非理作意汝
等苾芻應如是學爾時世尊重攝此義而說
頌曰

孝五

五

言說宴默時	不縱根造惡	能奉行我教
是聰慧智人	修出離尋思	及無恚無害
有出離正見	於如實能知	能摧伏惡魔
諸惡不善法	永斷諸煩惱	證究竟涅槃
故汝等苾芻	應修不放逸	當如理作意

離非理思惟 汝等若正勤 語默無放逸
不久度生死 證無上涅槃
吾從世尊聞如是語苾芻當知有學苾芻有
二種力云何為二謂思擇力及修習力云何
苾芻有思擇力所謂一類有學苾芻受用種
種衣服飲食房舍卧具病緣醫藥資生具時
皆善思擇非不思擇而便受用於所未得衣
服飲食房舍卧具病緣醫藥諸資生具不甚
希求於所已得衣服飲食房舍卧具病緣醫
藥諸資生具不深耽著堪能忍受寒熱飢渴

風日蚊蚋蛇蠍等觸堪能忍受他所毀謗罵辱等言堪能忍受身內所生猛利辛楚酸疼難忍奪命臨終難治苦受堪能忍受一切世間極難忍事能善思擇諸身語意三種惡行能照現法生法後法不可愛樂苦異熟果作是思惟我今定當斷身語意三種惡行我今定當修身語意三種妙行能正了知三種惡行所有過患復正了知三種妙行所有功德既正知已勤斷勤修惡行妙行修治自身令其清淨離諸罪法如是名為有學苾芻初思

擇力云何苾芻有修習力所謂一類有學苾芻所得憶念一切皆與覺支相順而不相違所得擇法及精進喜輕安定捨孝五皆依止厭皆依止離皆依止滅六迴向於捨修習擇法及精進喜輕安定捨覺支皆依止厭皆依止離皆依止滅迴向於捨如是名為有學苾芻後修習力是名有學苾芻二力爾時世尊重攝此義而說頌曰

諸有學苾芻 畧有二種力 思擇及修習

能伏惡魔軍 見惡過能斷 知妙德能修
能忍受思惟 是名思擇力 依止猷離滅
及迴向於捨 而修七覺支 是名修習力
吾從世尊聞如是語 苾芻當知由二種法盡
滅故死云何二法一業二壽由業盡故及壽
盡故決定命終若時有業爾時有壽若時有
壽爾時有業所以者何如是二法恒常和合
無不和合如是二法不可施設分析離散此
時有業彼時有壽此時有壽彼時有業若有
其業即有其壽若有其壽即有其業若無其

業即無其壽若無其壽即無其業譬如然燈
生燄發明若有其燄即有其明若有其明即
有其燄若無其燄即無其明若無其明即無
其燄業壽亦爾若有其業即有其壽若有其
壽即有其業若無其業即無其壽若無其壽
即無其業如是二法盡滅故死爾時世尊重
攝此義而說頌曰
二法恒相隨 謂業及與壽 業有壽亦有
業無壽亦無 壽業未消亡 有情終不死
壽業若盡滅 含識死無疑

吾從世尊聞如是語必芻當知有二種行世
間衆生皆共造作云何爲二一者能感短壽
之行二者能感長壽之行云何能感短壽之
行謂有一類補特伽羅常樂殺生爲性兇暴
血塗其手傷害物命無有慙羞無有慈愍於
諸衆生常行殺害乃至殺害折脚蟻子是名
能感短壽之行云何能感長壽之行謂有一
類補特伽羅遠離殺生棄捨殺具慙羞慈愍
於諸衆生常不殺害乃至不害折脚蟻子是
名能感長壽之行如是名爲有二種行世間

衆生皆共造作爾時世尊重攝此義而說頌
曰

世間諸有情 畧有二種行 由二行差別
感壽有短長 謂常樂殺生 兇暴血塗手
無慙羞慈愍 感短壽無疑 常樂離殺生
棄捨諸殺具 有慙羞慈愍 感長壽無疑
吾從世尊聞如是語必芻當知由二行相應
取心相云何爲二一者名爲所緣行相二者
名爲作意行相所有一切已取現取當取心
相皆由如是二種行相汝等必芻由二行相

應當正勤善取心相取心相已應善作意善
作意已應善觀察善觀察已應善安住善安
住已應同地界正勤修習無量無損應同水
界火界風界正勤修習無量無損必芻當知
譬如地界若於其中安置糞穢涕唾膿血如
是等類淨不淨物雖置其中而其地界曾無
違順欣感高下如是安心應同地界正勤修
習無量無損既同地界正勤修習無量無損
雖遇種種違順衆緣而心都無分別計著終
不由此差別因緣其心高下又如水界火界

風界若於其中安置糞穢涕唾膿血如是等
類淨不淨物雖置其中而其水界火界風界
曾無違順欣感高下如是安心應同水界火
界風界正勤修習無量無損既同水界火界
風界正勤修習無量無損雖遇種種違順衆
緣而心都無分別計著終不由此差別因緣
其心高下由此定故於有識身及外一切所
緣相中我我所執見慢隨眠善伏善斷於彼
二種其心超越離一切相寂靜安樂得善解
脫所有一切心善解脫慧善解脫皆於其中

我我所執見慢隨眠善伏善斷於彼二種其
心超越離一切相寂靜安隱得善解脫於其
所得利譽稱樂其心不欣於其所遭衰毀譏
苦其心不感是名超過世間八法其心平等
猶如世間地水火風世間八法所不能染爾

卷五

九

時世尊重攝此義而說頌曰

難調躁動心	遠行無第二	能正勤取相
是謂世聰明	善取心相已	復作意觀察
正念住其心	勤修同四界	如是正安住
能棄捨諸欲	於世八法中	名善巧無染

吾從世尊聞如是語苾芻當知有二種法雖
共乖違未嘗和合然於其中無缺無間云何
為二謂生與死譬如世間光明影闇雖共乖
違未嘗和合然於其中無缺無間光明發時
影闇便沒影闇起時光明便謝生死亦爾恒
共乖違未嘗和合然於其中無缺無間生法
有時死法便沒死法有時生法便謝爾時世
尊重攝此義而說頌曰

如光明影闇	雖恒共乖違	然於二法中
未曾有間缺	生死亦如是	雖恒共乖違

然於二法中 未會有間缺 無明根所生
愛水所滋潤 纔死生便續 中無間缺時
吾從世尊聞如是語 苾芻當知死有二種云
何爲二一者不調伏死二者調伏死云何名
爲不調伏死謂諸愚夫無聞異生未能親觀
正見善士未能了知善士之法於善士法未
自調順彼隨觀見色即是我色屬於我色在
我中我在色中彼隨觀見受即是我受屬於
我受在我中我在受中彼隨觀見想即是我
想屬於我想在我中我在想中彼隨觀見行

即是我行屬於我行在我中我在行中彼隨
觀見識即是我識屬於我識在我中我在識
中眼見色已執取其相執取隨好由是因緣
於其眼根不能正念防守而住發起貪憂便
有無量惡不善法隨心流漏不可堰塞於其
眼根不能防守縱蕩眼根行諸境界貪著色
味纏擾其心緣此貪故受長夜苦受猛利苦
受匱乏苦增血鑊身增空曠路無量往返生
那落迦傍生鬼界及阿素洛人天趣中受諸
劇苦皆由眼根不調伏故如是或時耳聞聲

已鼻嗅香已舌嘗味已身覺觸已意了法已
執取其相執取隨好由是因緣於其意根不
能正念防守而住發生貪憂便有無量惡不
善法隨心流漏不可堰塞於其意根不能防
守縱蕩意根行諸境界貪著法味纏擾其心
緣此貪故受長夜苦受猛利苦受匱乏苦增
血鑊身增空曠路無量往返生那落迦傍生
鬼界及阿素洛人天趣中受諸劇苦皆由意
根不調伏故如是名為不調伏死云何名為
調伏而死謂諸賢聖多聞弟子已能親觀正

見善士已能了知善士之法於善士法已自
調順不隨觀見色即是我色屬於我色在我
中我在色中不隨觀見受即是我受屬於我
受在我中我在受中不隨觀見想即是我想
屬於我想在我中我在想中不隨觀見行即
是我行屬於我行在我中我在行中不隨觀
見識即是我識屬於我識在我中我在識中
眼見色已不執其相不執隨好由是因緣於
其眼根善能正念防守而住不起貪憂所有
無量惡不善法隨心流漏皆能堰塞於其眼

孝五

十一

根善能防守不縱眼根行諸境界不貪色味
纏擾其心不緣此貪受長夜苦受猛利苦受
匱乏苦增血鑊身增空曠路不復往返生那
落迦傍生鬼界及阿素洛人天趣中受諸劇
苦皆由眼根善調伏故如是或時耳聞聲已
鼻嗅香已舌嘗味已身覺觸已意了法已不
執其相不執隨好由是因緣於其意根善能
正念防守而住不起貪憂所有無量惡不善
法隨心流漏皆能堰塞於其意根善能防守
不縱意根行諸境界不貪法味纏擾其心不

緣此貪受長夜苦受猛利苦受匱乏苦增血
鑊身增空曠路不復往返生那落迦傍生鬼
界及阿素洛人天趣中受諸劇苦皆由意根
善調伏故如是名為調伏而死必芻當知不
調伏死沉沒無量生死苦海調伏而死超度
無量生死苦海是名二死爾時世尊重攝此
義而說頌曰
畧說諸有情 死法有二法 調伏不調伏
更無有第三 若不調伏死 定於諸趣中
受諸苦輪迴 經無量往返 調伏而死者

終不墮惡趣 於人天趣中 能永盡眾苦
吾從世尊聞如是語 苾芻當知一切諸法畧
有二種云何為二 一者雜染二者清淨 應正
觀察由一法生所以者何 若於一法能正守
護則於一切能正守護 若於一法不能守護
第五
則於一切不能守護 云何一法 謂眾生心 若
有於心不能守護 則不能護身語意業 若不
能護身語意業 是人即為身語意業皆悉敗
壞 身語意業皆敗壞 故其心即有擾濁垢穢
心有擾濁及垢穢者 能正了知 自利樂事他

利樂事俱利樂事 無有是處 能正了知善言
說義惡言說義 無有是處 能證一切勝上人
法真聖智見 亦無是處 所以者何 心有擾濁
及垢穢 故譬如世間所有臺觀 若一中心不
善覆蔽 則椽梁壁皆被淋漏 以椽梁壁被淋
漏 故皆悉敗壞 又如世間隣近村邑聚落池
沼 擾濁垢穢 有明眼人住在岸上 作意觀察
其中所有螺蛤龜魚礫石等類 行住普側 極
難可見 所以者何 水有擾濁及垢穢 故如是
眾生若有於心不能守護 則不能護身語意

業若不能護身語意業是人即爲身語意業
皆悉敗壞身語意業皆敗壞故其心即有擾
濁垢穢心有擾濁及垢穢者能正了知自利
樂事他利樂事俱利樂事無有是處能正了
知善言說義惡言說義無有是處能證一切

孝五

十三

勝上人法真聖智見亦無是處所以者何心
有擾濁及垢穢故若有於心能善守護則能
善護身語意業若能善護身語意業是人即
爲身語意業皆不敗壞身語意業不敗壞故
其心即無擾濁垢穢心無擾濁及垢穢者能

正了知自利樂事他利樂事俱利樂事斯有
是處能正了知善言說義惡言說義斯有是
處能證一切勝上人法真聖智見斯有是處
所以者何心無擾濁及垢穢故譬如世間所
有臺觀若一中心極善覆蔽則椽梁壁皆無
淋漏以椽梁壁無淋漏故皆不敗壞又如世
間遠離村邑聚落池沼無有擾濁及諸垢穢
有明眼人住其岸上作意觀察其中所有螺
蛤龜魚礫石等類行住普側極易可見所以
者何水無擾濁及垢穢故如是衆生若有於

心能善守護則能善護身語意業若能善護身語意業是人即爲身語意業皆不敗壞身語意業不敗壞故其心即無擾濁垢穢心無擾濁及垢穢者能正了知自利樂事他利樂事俱利樂事斯有是處能正了知善言說義惡言說義斯有是處能證一切勝上人法真聖智見斯有是處所以者何以無擾濁及垢穢故苾芻當知心雜染故有情雜染心清淨故有情清淨是故雜染清淨二法皆依止心從心所起爾時世尊重攝此義而說頌曰

若不護於心 隨順於諸欲 恒馳散放逸
一切無不爲 若善護於心 不隨順諸欲
無馳散放逸 一切皆防護 世間聰慧人
能防身語意 令不造諸惡 名真健丈夫
復從世尊聞如是語苾芻當知有二種見令
學五 諸有情展轉相違互爲怨害云何爲二所謂
十四 有見及無有見諸有沙門或婆羅門攝受有
見習行有見耽著有見與諸愛樂無有見者
展轉相違互爲怨害稱讚有見最爲第一諸
有沙門或婆羅門攝無有見習無有見著無

有見與其愛樂諸有見者展轉相違互為怨
害讚無有見最為第一若有沙門或婆羅門
於此二見諸集滅味過患出離不以正慧如
實了知我說彼人名無智見有貪瞋癡有違
有害無慧無明不能解脫生老病死愁歎憂
苦熱惱等法不能解脫生死眾苦若有沙門
或婆羅門於此二見諸集滅味過患出離能
以正慧如實了知我說彼人名有智見無貪
瞋癡無違無害有慧有明定能解脫生老病
死愁歎憂苦熱惱等法定能解脫生死大苦

爾時世尊重攝此義而說頌曰
世間由二見 展轉互相違 彼此作怨讎
謂見有無有 諸有於此見 愛樂不能捨
是謂愚癡人 恒毀他自讚 若不知此見
集滅味患出 見毒箭所傷 無明闇所覆
孝五 具足貪瞋癡 無智見明慧 定不能解脫
生老病死苦 若能知此見 集滅味患出
見毒箭不傷 破無明黑闇 遠離貪瞋癡
具智見明慧 決定能解脫 生老病死等
復從世尊聞如是語苾芻當知有二正見應

諦尋思稱量觀察若諦尋思稱量觀察能得
未得能觸未觸能證未證能超愁歎能滅憂
若能得如理能觸甘露能證涅槃云何爲二
所謂一切世間正見出世正見云何名爲世
間正見謂有一類起如是見立如是論決定
有施有受有祠有善惡業有異熟果有此世
間有彼世間有父有母有諸有情化生種類
於其世間有諸沙門婆羅門等正至正行於
此世間及彼世間自然通達作證領受如是
名爲世間正見諸聖弟子於此所說世間正

見應諦尋思稱量觀察依此所說世間正見
能令衆生畢竟解脫生老病死愁歎憂苦熱
惱法不諦觀察已便正了知依此所說世間
正見不令衆生畢竟解脫生老病死愁歎憂
苦熱惱等法所以者何如是所說世間正見
非眞聖見非出離見非能究竟證涅槃見非
厭非離非滅非靜不證通慧非成等覺非得
涅槃而能感得生老病死愁歎憂苦熱惱等
法如是知已於世間法生怖畏想於出世法
生安靜想以於世間生怖畏故都無執受無

執受故無所希求無希求故於內證得究竟
涅槃如是證已便自了知我生已盡梵行已
立所作已辦不受後有如是汝等於此所說
世間正見應諦尋思稱量觀察云何名為出
世正見謂知苦智知苦集智知苦滅智知能
趣向苦滅道智如是名為出世正見諸聖弟
子於此所說出世正見應諦尋思稱量觀察
依此所說出世正見能令衆生畢竟解脫生
老病死愁歎憂苦熱惱法不諦觀察已便正
了知依此所說出世正見能令衆生畢竟解

脫生老病死愁歎憂苦熱惱等法所以者何
如是所說出世正見是真聖見是出離見是
能究竟證涅槃見能厭能離能滅能靜能證
通慧能成等覺能得涅槃能超一切生老病
死愁歎憂苦熱惱等法如是知已於出世法
生珍寶想於世間法生下賤想於出世法生
珍寶想故便生歡喜生歡喜故其心安適心
安適故身得輕安身輕安故便受悅樂受悅
樂故心得寂定心寂定故能實知見實知見
故能深厭背深厭背故能正離欲正離欲故

能得解脫得解脫已便自了知我生已盡梵
行已立所作已辦不受後有如是汝等於此
所說出世正見應諦尋思稱量觀察如是名
為二種正見應諦尋思稱量觀察能得未得
能觸未觸能證未證能超愁歎能滅憂苦能
十五
得如理能觸甘露能證涅槃爾時世尊重攝
此義而說頌曰

正見有二種 世間出世間 智者諦尋思
能正盡眾苦 諦思於世間 便生怖畏想
由無執受等 究竟證涅槃 諦思出世間

便生珍寶想 歡喜心安適 從此獲輕安
輕安故受樂 樂故心寂定 心定生覺支
知見四如實 見實斷諸疑 疑除無所取
能脫一切苦 證無上涅槃
重攝前經喟柁南曰
施祠與集會 不如學終 行相相違死
染淨及二見

本事經卷第五

永樂北藏

本事經

第六六冊

音釋

瑕

何加切
逆也

疊

許刀切
隙也

堰

於懷切
壅也

還

本事經卷第六

孝六

唐三藏法師玄奘奉 詔譯

三法品第三之一

吾從世尊聞如是語必芻當知諸有情界互相親近不相乖違諸劣勝解種類有情與劣勝解種類有情更相親近參染承事諸妙勝解種類有情與妙勝解種類有情更相親近參染承事在過去世諸有情界已相親愛不相乖違諸劣勝解種類有情與劣勝解種類有情已相親近參染承事諸妙勝解種類有

孝六

情與妙勝解種類有情已相親近參染承事在未來世諸有情界當相親愛不相乖違諸劣勝解種類有情與劣勝解種類有情當相親近參染承事諸妙勝解種類有情與妙勝解種類有情當相親近參染承事在現在世諸有情界現相親愛不相乖違諸劣勝解種類有情與劣勝解種類有情現相親近參染承事諸妙勝解種類有情與妙勝解種類有情現相親近參染承事是故尊者解憍陳如與其同類有六十人恒集同修阿練若行摩

訶迦葉與其同類有無量人恒集同修杜多
妙行其舍利子與其同類有無量人恒集同
修大智慧行大目乾連與其同類有無量人
恒集同修大神通行拘瑟社羅與其同類有
無量人恒集同修無礙解行其滿慈子與其
同類有無量人恒集同修說正法行迦多衍
那與其同類有無量人恒集同修辯釋經行
尊者善現與其同類有無量人恒集同修無
諍住行顯麗伐多與其同類有無量人恒集
同修諸靜慮行其優波離與其同類有無量

人恒集同修持律之行物力士子與其同類
有無量人恒集同修爲僧敷設卧具等行尊
者不滅與其同類有無量人恒集同修淨天
眼行尊者阿難與其同類有無量人恒集同
修樂多聞行其羅怛羅與其同類有無量人
恒集同修樂持戒行童子迦葉與其同類有
無量人恒集同修巧辯說行其劫陀拏與其
同類有無量人恒集同修教誡教授大苾芻
行尊者難陀與其同類有無量人恒集同修
教誡教授苾芻尼行優波西那與其同類有

孝六

二

無量人恒集同修具威儀行妍美難陀與其
同類有六十人恒集同修端嚴之行愚人天
授與其同類有六十人恒集同修勃逆惡行
是故當知諸有情界互相親近不相乖違諸
劣勝解種類有情與劣勝解種類有情更相
親近參染承事諸妙勝解種類有情與妙勝
解種類有情更相親近參染承事爾時世尊
重攝此義而說頌曰
如草木叢林 亦如風火等 物各以類聚
有情界亦然 愚者狎於愚 智者親於智

體知朋侶別 應親有智人 如憑破浮囊
必沉於大海 親近怠慢者 定失智光明
故應捨怠慢 樂栖止空閑 親近有智人
速能殄衆苦

吾從世尊聞如是語苾芻當知三因三緣能
感後有云何為三所謂無明未永斷故愛未
棄故業未息故由是因緣能感後有所以者
何業為良田識為種子愛為澆灌無明無智
無了無見之所覆蔽識便安住欲有色有無
色有處欲最為下色為其中無色為妙若欲

界業感異熟果不現在前不可施設此爲欲
有由欲界業感異熟果正現在前故可施設
此爲欲有當於爾時業爲良田識爲種子愛
爲澆灌無明無智無了無見之所覆蔽識便
安住下欲有處若色界業感異熟果不現在
前不可施設此爲色有由色界業感異熟果
正現在前故可施設此爲色有當於爾時業
爲良田識爲種子愛爲澆灌無明無智無了
無見之所覆蔽識便安住中色有處若無色
業感異熟果不現在前不可施設爲無色有

由無色業感異熟果正現在前故可施設爲
無色有當於爾時業爲良田識爲種子愛爲
澆灌無明無智無了無見之所覆蔽識便安
住妙無色處苾芻當知由遠離故出離欲有
由無色故出離色有由永滅故出離一切有
爲有起思慮緣生汝等苾芻應以正慧如實
隨觀出離欲有應以正慧如實隨觀出離色
有及無色有云何汝等應以正慧如實隨觀
出離欲有謂離諸欲惡不善法有尋有伺離
生喜樂具足安住最初靜慮能以正慧如實

觀其中諸色受想行識如是法性皆是無常皆是其苦如病如癰如中毒箭有惱有害有怖有猜有怨有敵迅速敗壞多諸疾疫多諸災橫虛僞不實離散無我不可保信如是汝等應以正慧如實隨觀出離欲有云何汝等應以正慧如實隨觀出離色有謂正超過一切色想滅有對想不復思惟種種異想具足安住無邊虛空空無邊處能以正慧如實隨觀其中所有受想行識如是法性皆是無常皆是其苦如病如癰如中毒箭有惱有害

孝六

有怖有猜有怨有敵迅速敗壞多諸疾疫多諸災橫虛僞不實離散無我不可保信如是汝等應以正慧如實隨觀出離色有云何汝等應以正慧如實隨觀出無色有謂正了知是為寂靜是為微妙謂離憍慢息諸渴愛滅阿賴耶斷諸徑路空無所得愛盡離欲寂滅涅槃如是汝等應以正慧如實隨觀出無色有若能如是以其正慧如實隨觀出離三有便於欲有色無色有能深厭背深厭背故能正離欲正離欲故能得解脫得解脫已便自

了知我生已盡梵行已立所作已辦不受後
有爾時世尊重攝此義而說頌曰

以正慧隨觀 三界出離相 能止息諸行
得最上涅槃 已解脫諸漏 善修習瑜伽
任持最後身 降伏魔所使

孝六

五

吾從世尊聞如是語必芻當知三因三緣令
諸有情希求利養生多過患云何爲三一者
貪欲爲因爲緣令諸有情希求利養生多過
患二者耽著爲因爲緣令諸有情希求利養
生多過患三者受用不見過患爲因爲緣令

諸有情希求利養生多過患汝等必芻不應
起此三因三緣希求利養生多過患有諸芻
芻具此所說三因三緣往施主家求勝利養
或時其家忽遽無賴見已感然默不敬問不
起承迎不延就坐不共談論彼見此相便起
念言此施主家恒相敬待誰所詭佞頻使其
然由此因緣便於彼所不忍不悅起恚害心
或發身語惡不善業因斯墜墮諸惡趣中受
不受果必芻當知我觀世間諸有情類或由
利養擾亂其心身壞命終墮諸惡趣生地獄

中受不愛果我觀世間諸有情類或由衰損
 擾亂其心身壞命終墮諸惡趣生地獄中受
 不愛果我觀世間諸有情類或由利養及以
 衰損擾亂其心身壞命終墮諸惡趣生地獄
 中受不愛果所以者何愚癡凡夫被諸利養
 先破其膜既破膜已復破其皮既破皮已復
 破其肉既破肉已復斷筋脉斷筋脉已復破
 其骨既破骨已復傷髓腦然後方住是故汝
 等應如是學我當云何不被利養擾亂其心
 我當云何不被衰損擾亂其心我當云何不

被利養及以衰損擾亂其心獨處空閑勤修
 聖行速證無上常樂涅槃汝等必勿應如是
 學爾時世尊重攝此義而說頌曰
 由三種因緣 希求諸利養 壞種種功德
 及退失人天 諸有聰明人 遇利養衰損
 其心善安定 孝六 不動如山王 六 常靜慮安然
 正觀諸法義 修深細智見 證常樂涅槃
 吾從世尊聞如是語必勿當知欲界勝生畧
 有三種於彼雖成極大福聚而受諸欲生死
 輪迴不能出離所以者何彼勝生處是欲所

行境界地故云何爲三一欲住天欲界勝生
二樂化天欲界勝生三他化天欲界勝生如
是三種欲界勝生於彼雖成極大福聚而受
諸欲生死輪迴不能出離所以者何彼勝生
處是欲所行境界地故我聖弟子於此三種
欲界勝生如實隨觀有諸過患故於欲界深
生厭背生厭背故能正離欲正離欲故能得
解脫得解脫已便自了知我生已盡梵行已
立所作已辦不受後有爾時世尊重攝此義
而說頌曰

欲界三勝生	恒受諸欲樂	謂欲住樂化
他化自在天	生如三處	雖成就大福
而生死輪迴	不能生上地	於此諸欲中
若能知過患	捨人天等趣	證無上涅槃
吾從世尊聞如是語	必芻當知世有一類諸	
惡必芻成就三法	而似驢鳴云何爲三	謂有
一類諸惡必芻無敬	無承無慙無愧懈怠	忘
念如是一類諸惡必芻	具足成就如是三法	
而似驢鳴謂實無德	而隨僧衆唱如是言	具
壽當知我亦是真沙門	釋子然此一類諸惡	

苾芻無有增上戒定慧學如餘清淨真苾芻
僧而隨僧衆唱如是言具壽當知我亦是真
沙門釋子如世有驢隨牛群後高聲唱言我
亦是牛宜相顧待然此驢身頭耳蹄喙毛色
音聲皆與牛別而隨牛後高聲唱言我亦是
牛宜相顧待如是一類諸惡苾芻實無其德
而隨僧衆唱如是言具壽當知我亦是真沙
門釋子然此一類諸惡苾芻依止村城聚落
而住日初分時整理裳服執持衣鉢往入村
城聚落乞食不能護持身語意業不住正念

不守諸根詣於淨信諸施主家爲利養故身
處下坐爲居高坐白衣說法我說此類諸惡
苾芻所有言說皆似驢鳴爾時世尊重攝此
義而說頌曰

剃髮服染衣

手執持應器

實無戒定慧

而自號沙門

如世間有驢

與牛形相異

而逐牛群後

自號是真牛

如是惡苾芻

成無敬等法

雖常廁清衆

而不證菩提

吾從世尊聞如是語苾芻當知學有三種若
能於中離諸放逸晝夜精勤絕諸緣務獨處

空閑無倒修學未生諸漏令永不生已生諸漏令永盡滅云何爲三一者增上戒學二者增上心學三者增上慧學何等名爲增上戒學謂諸苾芻具淨尸羅安住守護別解脫戒軌範所行無不圓滿於微小罪見大怖畏具孝六能受學所應學處成就清淨身語二業成就淨命成就淨見如是名爲增上戒學何等名爲增上心學謂諸苾芻能正離欲惡不善法有尋有伺離生喜樂具足安住最初靜慮廣說乃至具足安住第四靜慮如是名爲增上

心學何等名爲增上慧學謂諸苾芻如實了知是苦聖諦苦集聖諦苦滅聖諦及能趣苦滅道聖諦如是名爲增上慧學如是三學若能於中離諸放逸晝夜精勤絕諸緣務獨處空閑無倒修學未生諸漏令永不生已生諸漏令永盡滅爾時世尊重攝此義而說頌曰
戒心慧學三 智者應修學 勤精進常安
密禁守諸根 晝夜處空閑 絕世諸緣務
勤修戒心慧 如救自頭然 名學聖學處
至所學後邊 脫所脫無遺 成清淨妙智

得不動解脫 已永斷諸漏 盡生死苦邊
後有更無有

吾從世尊聞如是語苾芻當知學有三種若
有勤修不空無果必至究竟能得甘露能證
涅槃云何爲三一者增上戒學二者增上心

尊六

九

學三者增上慧學何等名爲增上戒學謂諸
苾芻尊重尸羅戒爲增上不重等持定非增
上不重般若慧非增上彼於少小所學戒中
微有所犯即能出離所以者何我說彼人絕
不毀犯所制學處不深慙愧定得隨順清淨

梵行定能成辦清淨梵行於諸學處能住尸
羅能住所學彼人定能求盡三結證預流果
得無墮法定趣菩提極於七返人天往來盡
諸苦際如是名爲增上戒學何等名爲增上
心學謂諸苾芻尊重尸羅戒爲增上尊重等
持定爲增上不重般若慧非增上彼於少小
所學戒中微有所犯即能出離所以者何我
說彼人終不毀犯所制學處不深慙愧定能
隨順清淨梵行定能成辦清淨梵行於諸學
處能住等持能住所學彼定能盡五下分結

證不還果得不還果當受化生於彼世間當
般涅槃如是名為增上心學何等名為增上
慧學謂諸苾芻尊重尸羅戒為增上尊重等
持定為增上尊重般若慧為增上彼於少小
所學戒中微有所犯即能出離所以者何我
說彼人終不毀犯所制學處不深慙愧定能
隨順清淨梵行定能成辦清淨梵行於諸學
處能住般若能住所學彼人定能未盡諸漏
得真無漏心善解脫慧善解脫於現法中具
足安住自證通慧能自了知我生已盡梵行

已立所作已辦不受後有如是名為增上慧
學若有於此所說三學勤修學者我說必定
不空無果必至究竟能得甘露能證涅槃如
是名為學有三種若有勤修不空無果必至
究竟能得甘露能得涅槃爾時世尊重攝此

義而說頌曰

六十六

勤修增上戒	住戒住所學	能未盡三結
定證預流果	勤修增上心	住定住所學
能盡五下結	定證不還果	勤修增上慧
住慧住所學	能盡一切結	定證無上果

三學不唐捐 必證第一義 故尊重三學
達法性無疑

吾從世尊聞如是語必芻當知學有三種若
少分修得少分果若圓滿修得圓滿果云何
為三一者增上戒學二者增上心學三者增
上慧學何等名為增上戒學謂諸芻尊重
尸羅戒為增上不重等持定非增上不重般
若慧非增上彼於少小所學戒中微有所犯
即能出離所以者何我說彼人終不毀犯所
制學處不深慙愧定能隨順清淨梵行定能

成辦清淨梵行於諸學處能住尸羅能住所
學彼人定能求盡三結證預流果得無墮法
定趣菩提極於七返人天往來盡諸苦際或
復有能令其欲界貪恚微薄證一來果一來
此間盡諸苦際如是名為增上戒學何等名
為增上心學謂諸芻尊重尸羅戒為增上
尊重等持定為增上不重般若慧非增上彼
於少小所學戒中微有所犯即能出離所以
者何我說彼人終不毀犯所制學處不深慙
愧定能隨順清淨梵行定能成辦清淨梵行

卷六

十一

於諸學處能住等持能住所學彼定能盡五
下分結證不還果得不還法當受化生於彼
世間當般涅槃如是名為增上心學何等名
為增上慧學謂諸苾芻尊重尸羅戒為增上
尊重等持定為增上尊重般若慧為增上彼
於少小所學戒中微有所犯即能出離所以
者何我說彼人終不毀犯所制學處不深慙
愧定能隨順清淨梵行定能成辦清淨梵行
於諸學處能住般若能住所學彼人定能未
盡諸漏得真無漏心善解脫慧善解脫於現

法中具足安住自證通慧能自了知我生已
盡梵行已立所作已辦不受後有如是名為
增上慧學如是名為學有三種若少分修得
少分果若圓滿修得圓滿果爾時世尊重攝
此義而說頌曰

多住尊重戒	名於少分修	常精進熾然
便得少分果	多住尊重定	名於少分修
常精進熾然	亦得少分果	多住尊重慧
名於圓滿修	常精進熾然	便得圓滿果
少分圓滿修	各得同類果	知如是勝劣

應舍分修圓

吾從世尊聞如是語必芻當知學有三種若正修習令諸有情成下中上賢聖差別云何為三一者增上戒學二者增上心學三者增上慧學何等名為增上戒學謂諸芻芻尊重尸羅戒為增上不重等持定非增上不重般若慧非增上彼於少小所學戒中微有所犯即能出離所以者何我說彼人終不毀犯所制學處不深慙愧定能隨順清淨梵行定能成辦清淨梵行於諸學處能住尸羅能住所

孝六

十二

學彼人定能求盡三結證預流果得無墮法定趣菩提極於七返人天往來或成家或一來果或成一間如是名為增上戒學何等名為增上心學謂諸芻芻尊重尸羅戒為增上尊重等持定為增上不重般若慧非增上彼於少小所學戒中微有所犯即能出離所以者何我說彼人終不毀犯所制學處不深慙愧定能隨順清淨梵行定能成辦清淨梵行於諸學處能住等持能住所學彼定能盡五下分結證不還果得不還法當受化生於

彼世間當般涅槃或成中船或成生般或有
行般或無行般或成上流趣色究竟或趣非
想非非想處而般涅槃如是名為增上心學
何等名為增上慧學謂諸苾芻尊重尸羅戒
為增上尊重等持定為增上尊重般若慧為
增上彼於少小所學戒中微有所犯即能出
離所以者何我說彼人終不毀犯所制學處
不深慙愧定能隨順清淨梵行定能成辦清
淨梵行於諸學處能住般若能住所學彼人
定能永盡諸漏得真無漏心善解脫慧善解

脫於現法中具足安住自證通慧能自了知
我生已盡梵行已立所作已辦不受後有如
是名為增上慧學如是名為學有三種若正
修習令諸有情成下中上賢聖差別爾時世
尊重攝此義而說頌曰

隨學因勢力 常精進熾然 下中上品修
隨得果差別 謂下精進修 還成下品果
中修得中果 上修亦復然 既知三品修
所得果差別 故應捨中下 宜遵上品修
吾從世尊聞如是語苾芻當知若諸苾芻具

調善戒具調善法具調善慧彼於我法毗柰
耶中已具修行名最上士云何必芻具調善
戒謂諸必芻具淨尸羅安住守護別解脫戒
軌範所行無不圓滿於微小罪見大怖畏具
能受學所應學處成就清淨身語二業成就
淨命成就淨見是名必芻具調善戒既具如
是調善戒已云何必芻具調善法謂諸必芻
勤修七種菩提分法具足安住是名必芻具
調善法既具如是調善尸羅調善法已云何
必芻具調善慧謂諸必芻求盡諸漏得真無

漏心善解脫慧善解脫於現法中具足安住
自證通慧能自了知我生已盡梵行已立所
作已辦不受後有是名必芻具調善慧如是
名為若有必芻具調善戒具調善法具調善
慧彼於我法毗柰耶中已具修行名最上士
爾時世尊重攝此義而說頌曰
第六
若身語意思 離諸惡不善 名具調善戒
有慙愧必芻 若能善修行 七菩提分法
名具調善法 有妙定必芻 若能正了知
自求盡諸漏 名具調善慧 真無漏必芻

若具三調善 威德世難思 若已具修行
最上聰明士

吾從世尊聞如是語 苾芻當知 諸有苾芻 成
就三分應知 是人於淨尸羅已得圓滿 於究
竟位已得圓滿 於修梵行已得圓滿 已能窮
至梵行後邊 云何爲三 謂有苾芻 成就無學
戒定慧蘊 是名苾芻 成就三分 應知 是人於
淨尸羅已得圓滿 於究竟位已得圓滿 於修
梵行已得圓滿 已能窮至梵行後邊 若諸苾
芻 於淨尸羅已得圓滿 於究竟位已得圓滿

於修梵行已得圓滿 已能窮至梵行後邊 應
知 是人必不樂居村城聚落房舍 卧具亦不
樂與諸苾芻衆 苾芻尼衆 鄔波索迦 鄔波斯
迦 勤策男等 同一園林 喧雜而住 應知 是人
成就第一寂靜心法 獨守空閑 依四依住 離
諸垢穢 內守真實 棄捨所求 無染分別 不爲
世法之所塗染 譬如世間 喁鉢羅華 拘牟陀
華 鉢特摩華 奔陀利華 依水而生 依水而長
雖從水出而不爲水之所染 著是人亦爾 依
世間生 依世間長 雖現世間而不爲諸世法

第六

十五

所染爾時世尊重攝此義而說頌曰

無學三分成 尸羅究竟位 修梵行圓滿

至梵行後邊 如是芻芻衆 得最上瑜伽

永盡諸苦邊 證無上安樂

吾從世尊聞如是語芻芻當知若有希求三

種樂事應於淨戒不缺不穿不穢不雜於淨

尸羅應起上品欲勤精進終無懈怠云何爲

三一者希求名譽樂事應於淨戒不缺不穿

不穢不雜於淨尸羅應起上品欲勤精進終

無懈怠二者希求利養樂事應於淨戒不缺

不穿不穢不雜於淨尸羅應起上品欲勤精

進終無懈怠三者希求生天樂事應於淨戒

不缺不穿不穢不雜於淨尸羅應起上品欲

勤精進終無懈怠是名希求三種樂事應於

淨戒不缺不穿不穢不雜於淨尸羅應起上

品欲勤精進終無懈怠爾時世尊重攝此義

而說頌曰

爲求三種樂 智者護尸羅 謂世尚名譽

利養生天樂 觀如是勝樂 智者護尸羅

當遠惡親知 如避險惡道 雖不造衆惡

而親近惡人 如以吉祥草 裹煖爛魚肉
親所不應親 狎所不應狎 如持鮮淨物
投糞穢深坑 世間樂淨人 常懼穢塗染
有智者亦爾 深怖惡親知

吾從世尊聞如是語 苾芻當知有三種香唯

卷六

十六

順風熏不能逆風云何爲三一者根香二者
莖香三者華香如是三種唯順風熏不能逆
風汝等苾芻勿作是念更無餘香或順風熏
或逆風熏或復順逆皆悉能熏所以者何我
佛法中有一妙香能順風熏能逆風熏能順

逆熏天上人中皆聞芬馥世間賢聖無不珍
愛何等名爲我佛法中有一妙香能順風熏
能逆風熏能順逆熏天上人中皆聞芬馥世
間賢聖無不珍愛所謂戒香由此戒香能順
風熏能逆風熏能順逆熏天上人中皆聞芬
馥世間賢聖無不珍愛如是名爲我佛法中
有一妙香能順風熏能逆風熏能順逆熏天
上人中皆聞芬馥世間賢聖無不珍愛爾時
世尊重攝此義而說頌曰
世間諸所有 根莖華等香 皆不逆風熏

以勢力微故 唯我佛法中 有一妙香類
順風逆風等 無不普皆熏 天上及人中
諸世間賢聖 一切皆珍愛 所謂淨戒香
若能於此香 無放逸而住 生無倒定慧
永盡眾苦邊

孝六

十七

重攝前經喟陀南曰

同界感後有 求利及欲生 惡說似驢鳴
四學與四戒

本事經卷第六

永樂北藏

本事經

音釋

頤胡結切 庀疋爾切 漑居代切
澆灌也

第六六冊

永樂北藏

本事經

第六六冊

本事經卷第七

孝七

唐三藏法師玄奘奉 詔譯

三法品第三之二

吾從世尊聞如是語必芻當知於此世間子
有三種云何為三孝七一者等子二者勝子三者

劣子云何等子謂有一類父母具戒成調善
法能離殺生離不與取離欲邪行離虛誑語
離飲諸酒生放逸處子亦具戒成調善法能
離殺生離不與取離欲邪行離虛誑語離飲
諸酒生放逸處是名等子云何勝子謂有一

類父母犯戒成諸惡法樂行殺生行不與取
行欲邪行行虛誑語行飲諸酒生放逸處子
能持戒成調善法能離殺生離不與取離欲
邪行離虛誑語離飲諸酒生放逸處是名勝
子云何劣子謂有一類父母具戒成調善法
能離殺生離不與取離欲邪行離虛誑語離
飲諸酒生放逸處其子犯戒成諸惡法樂行
殺生行不與取行欲邪行行虛誑語行飲諸
酒生放逸處是名劣子如是名為於此世間
子有三種爾時世尊重攝此義而說頌曰

世間聰慧人	欣樂等勝子	不欣樂劣子
勿損壞家門	應知三子中	一劣二為勝
佛正覺而說	諸賢聖亦然	二俱信尸羅
聰慧無怯慳	如晴夜滿月	處眾曜威光
應親近供養	諸佛所稱揚	遠離諸垢塵

所行無怖畏

吾從世尊聞如是語苾芻當知若有苾芻尊
重正法愛樂正法欣正法樂精進修行愛樂
法行如是苾芻隨念正法常樂永斷貪不善
根無貪善根修令圓滿常樂永斷瞋不善根

無瞋善根修令圓滿常樂永斷癡不善根無
癡善根修令圓滿修三善根得圓滿已修四
念住亦令圓滿修四念住得圓滿已修四正
斷亦令圓滿修四正斷得圓滿已修四神足
亦令圓滿修四神足得圓滿已修習五根亦
令圓滿修習五根得圓滿已修習五力亦令
圓滿修習五力得圓滿已修七覺支亦令圓
滿修七覺支得圓滿已修八聖道支亦令圓
滿修八聖道支得圓滿已明及解脫皆得圓
滿爾世尊重攝此義而說頌曰

尊重法樂法 欣法樂法行 於法常隨念
能不退正法 法念修善業 不念行惡行
行法定能招 此世他世樂 法護行法人
如雨時大傘 行法護法利 定不墜三塗
吾從世尊聞如是語必芻當知世間畧有三
種尋思有學必芻未得心者欣求無上安樂
法時能令退失云何為三一者親里相應尋
思二者利養相應尋思三者妬勝相應尋思
如是畧說三種尋思有學必芻未得心者欣
求無上安樂法時能令退失是故汝等應如

是學我當云何不起親里相應尋思不起利
養相應尋思不起妬勝相應尋思汝等必芻
應如是學爾時世尊重攝此義而說頌曰
依耽嗜尋思 畧說有三種 學求無上樂
為障必無疑 依親里相應 利養及妬勝
去大樂大淨 結盡甚為遙 捨親屬利養
及妬勝尋思 攝止觀勤修 速能盡眾苦
吾從世尊聞如是語必芻當知畧有三法有
學必芻未得心者欣求無上安樂法時能令
退失云何為三一者必芻喜樂事業貪愛事

業耽著事業二者必芻喜樂談話貪愛談話
耽著談話三者必芻喜樂睡眠貪愛睡眠耽
著睡眠如是三法有學必芻未得心者欣求
無上安樂法時能令退失是故汝等應如是
學我當云何不樂事業不愛事業不著事業
我當云何不樂談話不愛談話不著談話我
當云何不樂睡眠不愛睡眠不著睡眠汝等
必芻應如是學爾時世尊重攝此義而說頌
曰
求無上果時 有三法令退 樂愛著事業

談話及睡眠 有學諸芻 若具此三法
終不能證得 最勝三菩提 若欲求速證
最勝三菩提 應少事話眠 正勤修止觀
吾從世尊聞如是語必芻當知有三種法和
合現前能令淨信諸善男子生無量福云何
爲三一者淨信和合現前能令淨信諸善男
子生無量福二者施物和合現前能令淨信
諸善男子生無量福三者福田和合現前能
令淨信諸善男子生無量福是名三法和合
現前能令淨信諸善男子生無量福爾時世

尊重攝此義而說頌曰

三法合現前

能生無量福

謂淨信施物

及真淨福田

具慧具尸羅

善調伏三毒

修沙門梵行

名真淨福田

具慧具淨信

手持如法財

奉施良福田

必當獲大果

身四威儀中

於三寶四諦

正順無瑕穢

名為淨信心

於諸惠施中

法施為最勝

淨心演正法

諸佛所稱譽

吾從世尊聞如是語必芻當知諸有智者應以三種不堅之法貿易三堅云何為三一者

應以不堅之財貿易堅財二者應以不堅之身貿易堅身三者應以不堅之命貿易堅命云何應以不堅之財貿易堅財謂有淨信諸善男子或善女人如法精勤勞役手足竭力流汗所獲珍財應自供身奉上父母賑給妻子奴婢僕使朋友眷屬晝夜集會歡娛受樂而遇沙門或婆羅門具淨尸羅成調善法勤修梵行除去憍逸忍辱柔和履正直路棄諸邪道趣涅槃城以淨信心歡喜恭敬如應知時持用布施遠求無上安樂涅槃或希當來

人天樂果是名應以不堅之財貿易堅財云
何應以不堅之身貿易堅身謂有淨信諸善
男子或善女人成就正見能離殺生究竟圓
滿無犯清淨離不與取究竟圓滿無犯清淨
離欲邪行究竟圓滿無犯清淨離虛誑語究
竟圓滿無犯清淨離飲諸酒生放逸處究竟
圓滿無犯清淨如是等類是名應以不堅之
身貿易堅身云何應以不堅之命貿易堅命
謂我法中諸聖弟子如實了知是為苦諦如
實了知是苦集諦如實了知是苦滅諦如實

了知是能趣向苦滅道諦是名應以不堅之
命貿易堅命如是名為諸有智者應以三種
不堅之法貿易三堅爾時世尊重攝此義而
說頌曰

如世有智人 以賤而貿貴 正見者亦爾

以不堅易堅 知此財身命 不淨不堅牢

求清淨堅牢 世出世間樂 天上財身命

是世淨堅牢 證常樂涅槃 是真淨堅法

吾從世尊聞如是語必勿當知祗有三種其
性甚深顯了甚深其性難見顯了難見云何

爲三一者未知當知根二者知根三者具知
根何等名爲未知當知根謂我法中諸聖弟
子於未見知諸苦聖諦爲見爲知發生樂欲
策勵精進攝心持心於未見知苦集聖諦爲
見爲知發生樂欲策勵精進攝心持心於未
見知苦滅聖諦爲見爲知發生樂欲策勵精
進攝心持心於未見知能趣苦滅真道聖諦
爲見爲知發生樂欲策勵精進攝心持心是
名未知當知根何等名爲知根謂我法中諸
聖弟子如實了知是苦聖諦是苦集聖諦是

苦滅聖諦是能趣苦滅真道聖諦是名知根
何等名爲具知根謂我法中諸聖弟子諸漏
已盡得真無漏心善解脫慧善解脫能正了
知我生已盡梵行已立所作已辦不受後有
是名具知根如是名爲根有三種其性甚深
孝七顯了甚深其性難見顯了難見爾時世尊重
攝此義而說頌曰
於我正法中 聖弟子有學 順修正直路
是名第一根 正知苦聖諦 及苦集苦滅
能趣苦滅道 是名第二根 第三根當知

諸漏皆永盡 證得真無漏 心慧善解脫
知我生已盡 及梵行已立 所作皆已辦
不受後有身 身心常寂靜 善攝護諸根
任持最後身 降伏魔所使
吾從世尊聞如是語必芻當知畧有三種補
特伽羅為義利故應當親近云何為三一有
一類補特伽羅成就劣戒劣定劣慧二有一
類補特伽羅成就等戒等定等慧三有一類
補特伽羅成就勝戒勝定勝慧諸有一類補
特伽羅成就劣戒劣定劣慧為何義利應當

親近謂於此類補特伽羅無所希求唯深悲
愍勸令勝進為此義利應當親近諸有一類
補特伽羅成就等戒等定等慧為何義利應
當親近謂於此類補特伽羅作是思惟彼當
為我說相似戒我當為彼說相似戒更互聽
聞令得相續多有所作作是思惟彼當為我
說相似定我當為彼說相似定更互聽聞令
得相續多有所作作是思惟彼當為我說相
似慧我當為彼說相似慧更互聽聞令得相
續多有所作為此義利應當親近諸有一類

補特伽羅成就勝戒勝定勝慧為何義利應
當親近謂於此類補特伽羅作是思惟我當
依彼所有戒蘊若未圓滿修令圓滿若已圓
滿內攝正念堅固任持作是思惟我當依彼
所有定蘊若未圓滿修令圓滿若已圓滿內
攝正念堅固任持作是思惟我當依彼所有
慧蘊若未圓滿修令圓滿若已圓滿內攝正
念堅固任持為此義利應當親近如是名為
畧有三種補特伽羅應當親近爾時世尊重
攝此義而說頌曰

親劣為慈悲 親等為相益 親勝為已德
圓滿成堅持 親下士德劣 親中士德中
親上士德勝 故應親上士

吾從世尊聞如是語苾芻當知應於其身住
不淨觀應於其息住隨息念應於諸行住無
常觀苦無我觀若能於身住不淨觀便於淨
界當斷貪欲若能於息住隨息念便能斷外
尋思障品若能於行住無常觀苦無我觀便
於諸有能斷有愛斷有愛故便於世間無所
執受無執受故便無怖畏無怖畏故便自內

證究竟涅槃證涅槃已便自了知我生已盡
梵行已立所作已辦不受後有爾時世尊重
攝此義而說頌曰

於身觀不淨 於息住隨念 觀諸行無常
及與苦無我 達諸行性空 得最勝寂靜

愛盡無執受 證究竟涅槃

吾從世尊聞如是語必芻當知諸有情身常
爲三種勇健怨賊隨逐切害云何爲三
一者衰老勇健怨賊二者疾病勇健怨賊三者無
常勇健怨賊如是三種勇健怨賊常隨切害

諸有情身有情身中畧有三法一者壽命二
者煖氣三者心識如是三法遠離身時名爲
死沒臭穢屍骸棄在塚間無所復用所以者
何是身虛僞諸法合成其中勝者謂壽煖識
而此諸法依因緣生無常無強無堅無力迅
速滅壞老病死賊常隨不捨而諸愚夫無明
所覆貪愛耽著無厭捨心我聖弟子能於如
是假合成身如實知見多諸過患便於一切
内外身中能深厭背深厭背故能離貪欲離
貪欲故便得解脫得解脫已便自了知我生

已盡梵行已立所作已辦不受後有爾時世
尊重攝此義而說頌曰

一切有情身 三怨賊隨害 所謂老病死

曾無暫捨時 衆法合成身 虛偽無堅實

若捨壽煖識 棄之於塚間 愚夫無所知

孝七

常貪愛耽著 賢聖有智見 獸之喻糞坑

修無漏聖道 斷三賊因緣 證常樂涅槃

永解脫三賊 世間有智者 當深厭自身

求常樂涅槃 精勤勿放逸

吾從世尊聞如是語必芻當知諸福業事畧

有三種應修應習應多修習云何爲三一者

施福業事二者戒福業事三者修福業事何

等名爲施福業事謂有淨信諸善男子或善

女人能施種種飲食銷饌香鬘衣服車乘卧

具堂宇室宅燈燭庭燎諸資生具如是名爲

施福業事何等名爲戒福業事謂有淨信諸

善男子或善女人能離殺生究竟圓滿無犯

清淨離不與取究竟圓滿無犯清淨離欲邪

行究竟圓滿無犯清淨離虛誑語究竟圓滿

無犯清淨離飲諸酒生放逸處究竟圓滿無

犯清淨如是名為戒福業事云何名為修福業事謂有淨信諸善男子或善女人修慈俱心遍滿一方具足安住如是第二第三第四上下方維一切世界悉皆遍滿具足安住令慈俱心廣大無量無怨無害遍滿而住修慈俱心遍滿一方具足安住如是第二第三第四上下方維一切世界悉皆遍滿具足安

住令喜俱心廣大無量無怨無害遍滿而住修捨俱心遍滿一方具足安住如是第二第三第四上下方維一切世界悉皆遍滿具足安住令捨俱心廣大無量無怨無害遍滿而住如是名為修福業事於此所說三福業事

孝七

十

應修應習應多修習爾時世尊重攝此義而說頌曰

有三法應修	應習多修習	能得三種樂
所謂施戒修	修施感多財	修戒得長壽
修慈悲喜捨	當生清淨天	世間有智人

欲求殊勝樂 應修此三福 定當得無疑
吾從世尊聞如是語 苾芻當知世間最勝畧
有三種云何為三一於一切施設有情無足
二足四足多足有色無色有想無想及與非
想非非想中佛為最勝所謂如來應正等覺
明行圓滿善逝世間解無上丈夫調御士天
人師佛薄伽梵若於佛所起淨信心於諸信
中最為第一如是淨信所感果報於天人中
最為第一二於一切施設法門世出世間為
無為等諸法門中涅槃最勝謂離憍慢息諸

渴愛滅阿賴耶斷諸徑路愛盡離欲寂靜涅
槃若於如是涅槃法中起淨信心於諸信中
最為第一如是淨信所感果報於天人中最
為第一三於一切施設徒眾朋侶邑義諸集
會中佛聖弟子僧為最勝謂四向四果八補
特伽羅諸有情中為真為妙為最第一應奉
延請恭敬供養稱揚讚歎不怯身財是諸世
間人天等眾無上福田若於如是賢聖僧中
起淨信心於諸信中最為第一如是淨信所
感果報於天人中最為第一如是名為三種

孝七

十一

最勝爾時世尊重攝此義而說頌曰

最勝有三種 所謂佛法僧 依生淨信心

能見最勝法 依佛生淨信 知兩足中尊

證無上菩提 天人等應供 依法生淨信

知離欲中尊 證無上涅槃 寂靜常安樂

依僧生淨信 知諸衆中尊 證無上福田

天人等應供 施最勝良田 生最勝功德

感最勝安樂 壽色力名聞 供養最勝人

修行最勝法 得最勝安樂 天上或人中

施三寶福田 名最勝施者 所在常安樂

後當證涅槃

重攝前經喟陀南曰

子尊重三學 福堅根補羅 不淨等及怨

福業事最勝

吾從世尊聞如是語必芻當知有三大師出

現世間利益安樂無量衆生哀愍世間天人

大衆令得無量義利安樂云何爲三所謂如

來應正等覺明行圓滿善逝世間解無上丈

夫調御士天人師佛薄伽梵出現世間爲諸

衆生開闡正法初中後善文義巧妙示現純

滿清白梵行謂是苦諦是苦集諦是苦滅諦
是能趣向苦滅道諦如是名為第一大師出
現世間利益安樂無量衆生哀愍世間天人
大衆令得無量義利安樂復有如來應正等
覺無學弟子是阿羅漢諸漏已盡梵行已立
所作已辦棄諸重擔得自義利盡諸有結已
正奉行如來聖教已得解脫已證遍知出現
世間爲諸衆生開闡正法初中後善文義巧
妙示現純滿清白梵行謂是苦諦是苦集諦
是苦滅諦是能趣向苦滅道諦如是名為第

二大師出現世間利益安樂無量衆生哀愍
世間天人大衆令得無量義利安樂復有如
來應正等覺有學弟子具修梵行具正多聞
所謂正聞契經應頌記別伽他無問自說本
事本生方廣希法善知其義出現世間爲諸
衆生開闡正法初中後善文義巧妙示現純
滿清白梵行謂是苦諦是苦集諦是苦滅諦
是能趣向苦滅道諦如是名為第三大師出
現世間利益安樂無量衆生哀愍世間天人
大衆令得無量義利安樂如是名為有三大

師出現世間利益安樂無量衆生哀愍世間
天人大衆令得無量義利安樂爾時世尊重
攝此義而說頌曰

有三種大師 若出現於世 能利益安樂

天人等世間 一者謂如來 二無學弟子

三有學弟子 具淨戒多聞 如是三大師

天人等應供 能宣說正法 廣開甘露門

令無量衆生 永盡諸有結 解脫生死苦

證常樂涅槃 譬如善導師 能示人善導

正順而行者 得安樂無疑 如是三大師

示衆生四諦 修行無放逸 定超生死邊
吾從世尊聞如是語必勿當知有三時中諸
天集會歡喜詳議更相勸勵來降人間云何
爲三謂我弟子或少資財或多資財或少眷
屬或多眷屬或姓尊重或姓卑微初發淨信
厭背家法欣樂出家爾時諸天歡喜集會咸
相謂言天仙當知今佛弟子與惡魔軍將興
戰諍我等宜應帥諸天衆往降人間冥加祐
助增彼信心令無障難作是語已來降人間
作所應作如是名爲第一時中諸天集會歡

喜詳議更相勸勵來降人間又我弟子剝除
鬚髮被服袈裟以正信心棄捨家法出趣非
家與諸苾芻同修和敬安住守護別解脫戒
軌範所行無不圓滿於微少罪見大怖畏受
學一切所應學處成就清淨身語意業成就
淨命成就淨見爾時諸天歡喜集會咸相謂
言天仙當知今佛弟子與惡魔軍正興戰諍
我等宜應帥諸天衆往降人間冥加祐助增
彼威力令勝魔軍作是語已來降人間作所
應作如是名為第二時中諸天集會歡喜詳

議更相勸勵來降人間又我弟子諸漏永盡
證真無漏心善解脫慧善解脫於現法中自
證通慧具足安住能自了知我生已盡梵行
已立所作已辦不受後有爾時諸天歡喜集
會咸相謂言天仙當知今佛弟子與惡魔軍
已興戰諍已斷魔首已碎魔軍李七已自稱言我
生已盡梵行已立所作已辦不受後有我等
宜應帥諸天衆持妙香華往降人間禮拜供
養稱揚讚歎請說正法度脫已身生老病死
作是語已來降人間作所應作如是名為第

三時中諸天集會歡喜詳議更相勸勵來降
人間苾芻當知若有國土城邑聚落有淨信
心求出家者有剃鬚髮正出家者有出家已
諸漏盡者於彼國土城邑等中諸大天仙及
善神等皆來降下勤加守護令其豐樂風雨
順時無諸疾疫其中衆生慈心相向同修善
業現在當來長夜安隱速證無上常樂涅槃
如是名為有三時中諸天集會歡喜詳議更
相勸勵來降人間爾時世尊重攝此義而說
頌曰

諸天於三時	歡喜共集會	詳議相勸帥
來降於人間	最初求出家	第二剃鬚髮
第三漏永盡	摧伏諸魔軍	諸天見出家
能永盡諸漏	咸恭敬供養	如是讚頌言
歸命殊勝人	歸命最上士	歸命摧魔衆
獲得大名聞	諸天歡喜心	祐助修供養
希求剃鬚髮	漏盡證無生	是故應正勤
繫念樂靜慮	勇猛無放逸	摧伏諸魔軍
於佛法律中	正信出家者	能解脫諸漏
永盡衆苦邊		

注七

十五

吾從世尊聞如是語苾芻當知畧有三事天勝於人云何爲三一者長壽二者端嚴三者快樂如是三事天勝於人百千萬倍不可稱計所以者何如此人間五十年量當彼天上四天王天一日一夜如是日夜數至三十以爲一月積十二月以爲一年以如是年四天王天壽量五百當於人間九百萬歲如此人間一百年量當彼天上三十三天一日一夜如是日夜數至三十以爲一月積十二月以爲一年以如是年三十三天壽量千歲當於

人間三千六百萬歲如此人間二百年量當彼天上夜摩天中一日一夜如是日夜數至三十以爲一月積十二月以爲一年以如是年夜摩天中壽量二千當於人間一億四千萬歲如此人間四百年量當彼天上覩史多天一日一夜如是日夜數至三十以爲一月積十二月以爲一年以如是年覩史多天壽量四千當於人間五億七千六百萬歲如此人間八百年量當彼天上樂變化天一日一夜如是日夜數至三十以爲一月積十

二月以爲一年以如是年樂變化天壽量八
千當於人間二十三億四百萬歲如此人間
千六百年當彼天上他化自在天一日一夜
如是日夜數至三十以爲一月積十二月以
爲一年以如是年他化自在天壽量一萬有
六千歲當於人間九十二億一千六百萬歲
此中算數
萬萬爲億如是名爲諸天長壽諸天端嚴諸
天快樂人間所有不可爲喻如是諸天三種
勝事一切皆是無常無恒不可保信變壞之
法死力所吞繫屬於死彼諸天衆臨命終時

有餘天衆來詣其所教授教誡言汝天仙當
願汝等往生善趣生善趣已獲得善利得善
利已有所成辦此中諸天往何善趣得何善
利何所成辦謂彼諸天既命終已來生人中
得人同分名往善趣至人趣已於佛所說法
毗奈耶獲得正信名得善利如是正信增長
廣大根深堅固世間沙門或婆羅門諸天魔
梵無能如法引令退轉故名成辦由成辦故
於佛法中多有所作謂淨信心出家受戒修
奢摩他毗鉢舍那觀四聖諦永斷諸漏證得

涅槃盡苦邊際爾時世尊重攝此義而說頌

曰

諸天三事勝 長壽端嚴樂 人中與校量

算數甚難及 如此三勝事 非常亦非恒

難保變壞法 死魔力所繫 天將捨命時

幸七

餘天集其所 善教授教誡 令生歡喜心

十七

當願汝天仙 往生於善趣 得預人同分

生中國聰明 於佛法律中 獲得於正信

增長根堅固 邪教不能轉 身語意惡行

能方便棄捨 彼所生過失 亦能方便除

多修身語意 三殊勝善業 如理正思惟

令無量廣大 修諸福業事 謂施戒多聞

於佛正法中 出家修梵行 正信修法行

恒忍辱柔和 或生天人中 或證涅槃樂

如是諸天仙 來教誡教授 將捨命天衆

如母愍於子 諸天常發願 善趣轉增益

令阿素洛等 退散永無增

本事經卷第七